

天
啓
滇
志

滇志卷之十

官師志第

舊志官師

政蹟弁其首乃次題名而流寓

附焉曰官以考功師以考德無非爲斯民設也志
草亦曰師不槩志志滇吏之有功德與以節著者
又則禦災捍患者抑人不然而事然或事輕而人
重者未定者俟之人民之是非聽於吏而吏之是
非聽於民民之聽吏有盡而吏之聽於民者無盡
豈惟吏即天之視聽亦聽之其言官師詳矣其於
名宦之義尚不能無置疑焉夫名宦豈非以宦遊
得名乎而首稱者並躋也躋既已自王矣仁果茂

王母波故侯漢冊爲昉叮王似不得以官名司馬
遠相如諸公皆以使事入滇張博望原使大夏然
語闕漢事亦漢使也志既標

本朝使臣之目何不泝前代而合焉

本朝使臣自王禕吳雲始是矣傳潁川而下不翅六
七公皆開闢元臣有事於滇似不得以使臣名李
秀之事奇哉然聞考也似不得以保境全城槩稱
名宦又有在政錄而置貶辭者舊志遺文不能槩
剖然俱有功能直以功著可矣今師郭司馬相圭
之義易名宦曰宦賢其間與宦字稍不符者借爲
標表以類而分槩序三王於前常類以下功能表

著者勛業名賢或乘六傳御命遠來或因使殉節均稱有耻不辱命之士曰使命名賢其推意化俗或創起宮牆或樂談名理或逢時多故臨節不奪曰治行名賢直至

本朝王吳二公仍以使命稱類國而後改以勛業稱而公侯而撫按而藩臬閫帥一仍原款次第見名名官所以入官師之義云耳夫志祖前志著蔡奉之庸何人乎紛紛置其喙亦見夫討論脩飾總或起草之辭世家編年各出一人之手况乎仰止前修遠邈畏友久矣政不在尺尺寸寸見同異也前志云流寓雖無與宦蹟而流風餘韻有足傳者又

云以賢人君子之壯遊以大姓徒以微文成皆闕
吏治則兩童子神交命駕豈意壯遊已哉風韻可
想錄於流寓也亦宜

總部官賢目錄

略地自王一人

周漢王莊蹻

徒起賢王一人

漢漢王仁果

歸命賢王一人

漢响叮王母波

勳業名賢

秦常頰

漢中郎將唐蒙

志尊新入

拔朝將軍郭昌

水衡都尉衛廣

水衡都尉呂辟胡

軍正王平

大鴻臚田廣明

武威將軍劉尚

益州刺史張喬

益州從事楊竦

犍為太守陳立

原入永昌府官
廢今移入於此

蜀漢益州牧諸葛亮

晉益州刺史王遜子堅

裨將軍姚岳

平樂太守董霸

梁益都督王紀

志草
新入

隋益州總管梁睿

唐右武將軍王建方

何履光

原載大理府
今移入於此

卽州總管趙孝祖

劍南節度使常臯

西川節度使李德裕

劍南西川節度使高駢

元大帥兀良合台

雲南行省左丞相古答

雲南行省參知政事也罕的斤

本朝顯國公傅友德 武定侯郭英

玉璠 安定侯仇成

永昌侯董王 東川侯胡海子斌

安陸侯吳復

宣寧 朝興原入海安府今移入於此

普定侯陳桓 鶴慶侯張翼

永寧侯張登

貴衆

景川侯曹震

六安侯王志

都尉同知何福

右都督方政

原未昌
今移此

定西侯蔣貴

靖伯侯王驥

勳衛郭登

兵部侍候進

兵部主事趙敏

兵部主事項文耀

工部侍郎李芳

戶部主事盧彬

戶部郎中鄒來學

兵部郎中龔永士

戶部

宏

都督同知宮聚

使命名賢

漢忠即將司馬相如

王然于

壹光國

吳越人

郎中司馬達

博望侯張騫

志草新入

丞相公孫弘

志草新入

唐從事徐雲度

卅使袁洪

巡官崔佐時

元元帥述律杰

原入臨安府今移入於此

本朝翰林學士王穉

參知政事吳雲

行人葉思聰

行人鐵古訓

行人張洪

以下俱志草新入

中周讓

給事中杜暹

浙江參政王純

治行名賢

漢益州刺史王尊

益州刺史蔣琬

祥桐太子馬忠

越雋太守張蕤

晉寧州刺史李殷

寧州治中毛孟

寧州刺史尹鳳

隋西寧州刺史梁毗

唐御史韓思彦

志草新入

兵部尚書郭到

志草新入

元行省參政張立道

京入大理府今移入於此

咸陽王將思丁

宣慰使總速刺丁

雲南行省右丞思辛

參政政事魯魯

平章政事趙世延

行臺中丞程思

行省左丞劉正

宣慰副元帥支渭興

宣慰副使李京

行省右丞三旦八

廉訪副使朵兒赤

子仁通

行省平章政事也先不花

行省左丞怯烈

副都元師張萬家奴

子保童

廉訪僉事楊祚

行省左右丞驢兒達德

本朝茶南侯梅思祖

以下原入市政
司今移於此

左布政陳迪

左布政張統

右布政陳遜

總兵官

西平侯沐英

西平侯沐春

黔國公沐晟

左都督沐昂

黔國公沐斌

右都督沐璘

都督同知沐瓚

黔國公沐琮

錦衣都指揮沐誠

錦衣指揮僉事沐詳

巡撫

丁璿

楊寧

鄭顛

王恕

張誥

范鏞

黃柔

顧應祥

王懋中

鮑象賢

孫世祐

郝維徽

蔣宗魯

志
入

呂光洵

陳大賓

鄒應龍

王疑

志
入

蕭彥

志
入

吳定

周嘉璞

以上俱
新入

巡按

鄭進善

段信

譚明

志
入

朱暉

溫琮

志
入

樊瑩

劉洪

周熊

何琛

志
入

張璞

唐龍

謝明宣

陳榮

郭補

志革新入

毛鳳韶

包節

志革新入

趙炳然

陳學夔

魏諱

志革新入

董裕

以下今新入

李廷彥

馮應鳳

李炳

田懋相

布政司

左布政周枚

張謙

志革新入

右布政何楚英

志革新入

右布政陳文

左布政陳宜

左布政韓文

右布政席書

新入

右布政徐懋

左布政鮑道明

參政劉鶴年

新入

左布政陳善

左布政陳時範

左布政方良曙

以下俱志

參政王績之

左布政張楚城

右布政郭槩

右布政鍾昌

參政李先著

參政莫如善

以下俱新入

參議駱問禮

參政李渭

參政馬卿

左布政陳金

左布政陳紹儒

參議張璧

左布政薛夢雷

按察司

按察使周新

按察使周樂

按察使周彥奇

志入

按察使賴巽

按察使李璽

僉事陳騏

副使何純

副使楊繼宗

僉事童軒

僉事曹時中

僉事張寬

志入

僉事何俊

僉事劉鈺

僉事趙鑾

志入

副使李孟暉

兵備參議郭緒

志入

副使王槐

副使王一言

副使鼓綱

副使姚祥

僉事姚夢樓

副使林俊

按察使徐瓊

按察使王傳繼新入

副使聶賢

副使平世用

副使劉霖

按察使梁材

僉事范時景

僉事林仕鳳

副使姜龍

副使孫繼芳

副使唐胃

僉事王惟賢

副使楊最志新入

副使李默志新入

副使吳鵬

副使李樂

副使蔡雲程

副使張輔志新入

副使王春復志新入

副使鄒光祚志新入

副使許天琦

志草

僉事張澤

僉事張倬倫人

僉事郭德

以下俱志

副使羅汝芳

副使許宗鑑

按察使李村

副使陸萬琦

副使張天獲

按察使徐斌

以下今

副使程泰賓

副使楊崇魯

按察使顧言

子汝寧

按察使李文績

副使陳洙

副劉伯燾

僉事楊大謨

僉事郭原岳

按察使方萬山

按察使張堯臣

副使王應期

僉事黃廷寶

副使江和

僉事樊準

副使朱登

副使華存禮

副使郭慶年

都司

都指揮使竇正

都督僉事程能

都指揮同知王俊

都指揮僉事張雄

都指揮僉事張麟

都指揮僉事李福

都指揮僉事李鈺

遊擊將軍劉純

志草
新入

署都指揮僉事李天常

志草
新入

志草剛三人

蜀漢典學從事譙周

唐義武節度使康承訓

本朝巡撫石簡

今剛二人

唐安南經畧使蔡襲

漢黎州安撫使孟珙

總部宦賢

畧地自王一人

周莊王楚莊王苗裔始楚威王使將軍莊璠將兵循
江上畧巴蜀黔中以西璠至滇池因以兵威定屬楚
欲歸報會秦擊奪楚西黔中郡道塞因還以其衆王
滇變服從其俗以長之說文楚頃襄王使將軍莊璠
畧地至滇池蓋秦為璠之後也漢書華陽國志
亦作楚頃襄王

繼起賢王一人

漢滇王仁果東竺白飯王之裔治白崖為衆所戴楚
璠絕世仁果繼楚為滇王其裔東北有勞漫靡莫皆
同姓相仗弗肯聽約東武帝元封二年天子發巴蜀

兵擊滅勞曼靡莫以兵臨滇滇王衆數萬人舉國降
請置吏於是以前益州郡賜滇王王印復長其民而
南夷君長以百數獨滇與夜郎受玉印而滇小邑最
寵焉

歸命賢王一人

毋波叻叻侯昭帝始元六年詔曰叻叻侯毋波率其
君長人民擊反者斬捕有功其立毋波爲叻叻王

勲業名賢

秦常頰奉使畧通五尺道諸此國頗置吏

漢唐蒙先初間爲番禺令上書請以巴蜀之饒通夜
郎道爲置吏易甚武帝許之拜中郎將將千人從巴

蜀符圖入見夜郎侯論以威德厚賜約爲五吏使其
子爲令夜郎小邑會漢繪帛聽蒙約還報武帝書之
包汴覽氏曰按西南夷君長夜郎最大其西靡莫
之屬滇最大自滇以北邛都最大其西爲僞昆明
而僞以東爲徼

南蠻夷君長各以什數而通於中國自蒙風落
蒙亦大有功於西南矣

郭昌武帝元封元年爲校胡將軍奉命發巴蜀兵擊
滅撈曼靡莫以兵臨滇滇王舉國降請置吏以其地
爲益州郡漢王入朝賜王印其後益州昆明夷反復
殺重師亡命再得兵擊定之

衛廣元封元年以中節將同郭昌廷入較尉平南夷
獲發巴蜀兵以兵威諭漢王殊西夷舉國內附

呂群胡昭帝始元元年為水衝都尉會蓋明頭祐
繒民反奉詔發蜀郡犍為奔命萬餘人擊群胡大破
之後三歲姑繒謀擒獲反復奉遣將郡兵擊之群胡
不進蠻夷遂殺益州太子象勝與群胡戰於越
死者四千餘人五年後有王平等之後

王平昭帝始元五年以軍正借由廣明等大破強繒
謀擒蠻有功

田廣明以大鴻臚借王平呂群胡等擊姑繒謀擒蠻
斬首捕虜三萬餘人

劉尚武威將軍建武八年夷渠帥棟盤與樛榆渠
弄棟諸夷反益州太守繁勝與戰不勝退保漆
九年遣尚等發兵三萬人擊之尚軍渡漆水不
眾群夷聞大兵至棄壘奔走獲其財畜無算明年又
進兵與戰數月皆破之又明年進至不常斬棟盤
首虜七千餘人生口五千七百馬三十匹牛羊三萬
餘頭諸夷悉平

張喬益州刺史元初五年卷夷大牛種封離等殺
逆久令群夷應之衆十餘萬殺長史燭燒邑郭掠
百姓骸骨委積十里無人詔選將討之喬乃遣從事
楊竦將兵至樛榆擊賊有功識者以喬能將將云

揚竦益州從事以喬命討封離竦使知賊蓋未遠進
先以詔書宣示三郡悉徵死士懸重賞與封離戰大
破之斬首三萬餘級獲生口千五百首射四千餘萬
悉犒軍士封離等惶怖斬其渠帥乞降於堤三十六
種之夷悉來款附竦因奏長吏奸猾侵犯蠻夷者九
十人皆滅死尋病創卒喬哀之上其功勒銘繪像焉
陳立字少遷臨邛人故金城司馬也初為連然長不
常令蠻夷畏之成帝河平中夜即至與與鮪町王焉
漏卧候俞治兵相故將柯太守請發兵誅與等議者
以道遠不可擊乃遣太中大夫蜀郡張匡持節和解
不從命刻木象漢吏立道旁射之壯欽說然將軍王

鳳白次中大夫匡使和解鑿或生侯王侯受詔已獲
相致輕湯漢使不憚國威其効可見恐議者選慢獲
守和解太守乘動靜有變乃以聞如此則獲贖一時
王侯得收獵其衆申固其謀黨助衆多各亦勝忿必
相殘滅自知罪成狂犯守尉遠藏溫暑毒草之地雖
有孫吳將賁育士若入水火往必焦溺知勇無所施
屯田守之費不可量宜因其罪惡未成未疑漢家始
誅陰初邊郡守尉練士馬大司農豫調穀積要害處
選任職太守往往以秋涼時入誅其王侯死不執者即
以爲不毛之地亡用之民聖王不以勞中國宜罷即
放棄其民絕其王侯勿復通知以累世之功不可墮

亦宜因其萌芽早斷絕之及已成形然後戰師則萬
姓被害鳳然之因薦立爲祥柯太守立至祥柯論告
夜即王興興坏從命泣請誅之未報迺從吏數十人
出行縣至興國宜沮同亭召興興將數千往至亭邑
從君數十人入見立立微言因斷頭邑君曰將軍誅
亡狀爲民除害願出曉士衆以興頭示之皆釋兵降
向町侯禹滿以從俞震恐入粟并耕牛羊勞吏士並
還歸郡興妻父翁指興興寧和務收餘兵迫脅傍二
十二邑反至冬立奉養諸侯與都尉長史分將攻翁
指等翁指拔阨爲壘立使奇兵絕其餽道縱反閉以
誘其衆都尉萬年曰兵久不決費不可供引兵獨進

敗走趨立營立怒叱激下令格之都尉後還戰立引
兵救之時天大旱立攻絕其水道蠻夷共斬翁指持
首出降華陽國志贊曰少遷徑殺去勳三邦

蜀漢諸葛亮瑯琊人建興九年領益州牧益州果師
雍闓殺太守以附吳吳以闓為永昌太守闓使郡人
孟獲誘廟諸夷皆從之牂牁太守朱越嵩夷王高定
皆叛亮以新遭大喪皆撫而不討三年春乃率衆南
征五月渡瀘縣越嵩入斬雍闓等孟獲素得夷漢心
收餘衆拒亮亮募生致之既得使觀於營陣問獲曰
向者不知虛實故敗今終如此即易勝耳縱使更戰
七縱七擒而亮捕獲獲止不去曰公天威也南人

不復反矣亮遂入滇池南中平皆即其渠率用之或以諫亮亮甚言蜀兵之難有三端今吾欲使不留兵不運糧而綱紀粗定夷漢粗安於畏悉收孟獲等以爲官屬出其金銀丹漆耕牛戰馬以給軍國之用終亮之世夷不復反

亮半生功業強半西南乃卒不得志於北征何也天啟公開西南於數千載之前而漢祚不能強諸肆百載之後耳薛能以無成嘆之詩人快意言曠豈有筆鋒可畏乎

晉王遜字邵伯魏興人寧州刺史亮爲南夷較尉按荒糾厲收聚離散征伐諸夷俘截千計威行遠土死

帝嘉之賜爵褒中縣公因遣羣帥追擊驥不獲而還
怒甚髮上樹冠為之裂夜中卒州人立其中子聖詔除
聖嗣寧州刺史

姚岳寧州裨將軍先是越嵩漢嘉二郡并于李雄雄
又遣李驥等渡瀘水寇寧州王遜使岳拒之戰於螳
螂大破之晉寧蓋今有嗣祀

蓋霸永嘉中以平樂太守破祥荆平夷等地

梁王紀益州都督武帝時建寧越嵩叛紀開拓路道撫
定夷人

隋某音字侍隱安定烏氏人間皇中為益州總管討
平王謙之亂威震西川夷獠歸附夷酋曩震恃遠不

宥睿再上疏請以寧州未提瀘南而曩置經管從之
史萬歲京兆杜陵人高祖時拜左領軍將軍先是南
寧夷曩翫降拜刺史既而復叛遂以萬歲為行軍總
管率衆自靖蛉經弄棟大小勃弄至南中賊前後也
捷皆擊破之行數百里見諸葛亮紀功碑銘其背曰
萬歲之後勝我者過此萬歲今左右倒其碑而進度
西洱河入渠濫川行千餘里破三十餘部虜獲男女
二萬餘口諸夷請降現明珠徑寸勒石頌美隋德馳
奏請將翫入朝曩翫懼不敢詣門因賂萬歲以免明
年曩翫復反蜀王秀奏萬歲受賂縱賊致生邊患未
今窮治其事有左驍將斬左僕射高頌等進曰萬歲

雄畧過入尤善撫御將士樂爲效力雖古名將未能
過也上意少解於是除名爲民

唐王建方貞觀中以右武將軍討松外諸蠻遣使諭
附七十餘城又遣使詣西洱河諭以威信其帥遂降
何獲先開元中以兵定南詔取安寧城及益井復立
馬援銅柱而還

趙孝祖永徽中以卽州總管討南寧白水蠻平之因
奏勃弄以西與樸榆洱水相接無大酋長好結讎怨
明年移兵大破西南夷撫而安之其境遂定

常平字城武京兆萬年人貞元初爲劍南節度使初
雲南蠻竊附吐蕃其盜塞必以蠻爲鄉導平討得雲

南以斷唐右支會吐蕃寇蜀竝發雲南兵時雲南有
附唐心未敢外叛吐蕃亦遣兵屯滬北準以偽書貽
雲南上慰其歸化之誠轉致吐蕃吐蕃始疑雲南雲
南怒而歸唐明年蠻大首領道那時以王爵謀其兄
子烏星幼準上言禮謀行於殊俗願皆封以示聚進
詔可又明年雲南來內屬約東蠻見王驃倍首夢樹
等絕吐蕃盟伍年遣精卒與東蠻共破吐蕃殺忒爾
乞臧遮遮等虜牛馬鎧裝九年雲南王異牟尋與吐
蕃日蓋相猜準復遣異牟尋書欲與共驅吐蕃雲南
之外置戍相保永同一家至是異牟尋遣使詣準上
表準遣其使至長安上賜詔令準慰勞之乃遣蕃府

崔佐時，石門超雲南，而南詔復通。計三年，復萬州。
國維州生擒莽，熟獻諸朝，進檢校司徒兼中書令。南
康郡王率治蜀二十一年，數出師，功烈爲西南最。士
婚嫁皆厚資之。卒年八十一，贈太師，諡忠武。

李德裕，字文饒，士甫子。爲鄭滑節度使，知南西川。蜀
自南詔入寇，民無聊生。德裕至，則克殘虐，怯皆有條。
次先是成都南失挑，協西亡。維松懸清溪下，沫水而
左。盡爲蠻，有常率傾內資，結蠻好。德裕以率啓戎資，
益養成癰疽。至杜元穎時，遇隙而發。今癘戾尚心，非
痛矯第不能剗取。乃建善邊樓，按南道山川險要，與
蠻相入者，圖之左。西道與吐番接者，圖之右。其節落

衆寡饋糧遠通曲折咸具乃詔習邊事者與之高訂盡
知虜之情偽又料擇州兵廢遣擇老什三四士無敢
恣又戶二百取一人使習戰謂之雄邊子弟其精兵
騎士總十一軍築拔義禦侮柔遠三城復邛峽閬徙
萬州治轉邛雅粟十萬爲漕以佐陽山之運饋者不
步矣月邊民乃安於是二邊憂懼南詔精選所俘掠
四千人

高駢字千里崇文孫初南詔特段酋遷陷安南咸通
中以駢爲都護召見靈臺殿授以邕管經畧使張茵
兵討酋遷駢過江次峯州大破南詔蠻收所獲賻軍
已而拔安南斬酋遷傳首京師降附諸洞二萬僖宗

立徙叙南西川節度南詔驃信控萬州聞解軍及叙
門亟解去驃移檄驃信勒兵從之驃信懼箕子之朝
約不敢寇蜀

駢威名如此晚路暴戾跋扈無人臣節遂與李忠
臣喬琳同類而共傳之然其始固大有功於蜀也
姑略其居功之難而紀其成功之不易可矣

元兀良合台蒙古人元世祖以皇太弟總兵討南蠻
諸國以合台總督軍事自旦當崩入雲南境摩些二
部酋長唆大脫因塔裏馬來迎降遂至金沙江合台
分兵入蔡罕章所在諸白蠻寨柵以次攻下之又攻
阿塔剌所居險塞遣其子阿木迎擊寨兵退走遂并

其弟阿叔城俱拔之進師取龍首關入大理國分兵
取附都善闡轉攻合刺章水城又破羅部大酋高昇
進至烏蠻押赤城大攻不克乃出奇制勝至昆澤擒
其王段智興及其渠帥馮合刺昔以獻出師十一年平
大理五城八府四部烏白等蠻一十七部獻請依漢故
事悉置郡縣從之賜其軍銀五千兩絲幣二萬肆千
尺授銀印加太元帥還鎮大理

忙右帶契丹人矢保童世祖時賜金符襲父職為隨
路新軍總管從行省也速帶兒征蜀及思播有功陞
萬戶從攻羅必甸王雲南詔以其象入緬迎雲南王
金齒白本答奔諸蠻往往伏險要為備忙右帶奪擊

破之凡十餘戰至緬境開金齒道奉詔以還遷副都
元帥從諸汪阿台征交趾至白鶴江與宋壯備昭文
三戰奪其戰艦八十七艘又從雲南王攻羅必甸破
之二十九年入覲成宗即位授烏撒宣慰使遷大理
金齒都元帥六年討平烏撒羅斯賜欵銀鞍轡予
矢九年平羅雄叛賊進驃騎衛上將軍雲南行軍
省左丞宣慰使都元帥卒於軍至大甲年贈龍虎衛
上將軍平章做事初進對羅國公譚威懸孫大倫赤
製馮戶

七年卒的介臣刺魯入至元十七年征幹梯拜雲南行
省參知政事二十一年與右丞太子諸王相吾答兒

分道征緬造舟二百艘進攻江頭城拔之獲其銳卒
萬人命都元帥來世安守之且圖其形勢遣使詣閩
具陳攻守之方隨遣黑的楊林等招降不報諸叛蠻
援建都太公城以拒太澤復遣僧諭以禍福反爲所
害遂督軍進擊破之金藍等十二城皆降命都元帥
合帶萬戶不都麼等以兵五千戍之二十九年改西
川行樞密副使卒

本朝傳友德字惟學其先宿州人徙居穎川後徙揚
山寓杭州元末從山東李喜之起兵喜之敗歸明玉
珍玉珍不能用乃率所部從陳友諒歲辛丑八月
太祖高皇帝攻江州至小孤友德率衆降

主知其才用爲將累功授開國輔道推誠宣力武臣
封穎川侯食祿一千三百石賜鐵券世襲武平公
年九月

主命攻德爲征南將軍蓋正沐英爲副統兵三十萬往
征雲南師行

主出殺於龍江友德至湖廣分遣都督胡海洋等率
兵五萬繇永寧趨烏撒友德等率大軍繇辰沅趨貴
州進攻普定擒土酋安燿羅混苗蠻統佬州風而降
至普安復攻下之梁王把匝剌瓦爾密遣司徒平章
達里麻將精兵十餘萬屯曲靖友德聞奇晝夜倍道
疾趨而進出敵不虞永至曲靖數里忽大霧四塞衝

霧而行阻水而止已臨白石江順之霧霽達里麻見
之大驚惶失措我師作欲濟勢達里麻揮兵障水
止我師仍分數千人從下流潛度出其後鳴釜鼓樹
旗幟達里麻德撤衆以禦我師因得果濟既陣次德
麾兵進戰天石齊發呼聲動天地後縱鐵騎搗其中
堅敵衆披靡遂大敗生擒達里麻俘其衆萬計焚德
悉縱之使各歸本業夷人見歸者豈喜慰而兵聲益
振遂乘勝直趨雲南梁王道滇北島中先縱其妃投
水死又老爭出金山山焚香拜迎王師及德入城市
不湯肆收梁王金印并官府符信團籍撫其民實是
羊冬廿二月二十四也自秋路屢出師至是百日其

遂略建昌。潞江臨安元江尋甸楚雄洱海次第皆下之。惟大理城倚山爲固，土酋段世聚衆五萬，搃二關率不可破。裨將有從間道繞出點蒼山後，立我旗幟者，彼軍驚亂。文德策馬渡河，將士隨之斬關而入。拔其城，擒段世。於是東川烏蒙芒部諸蠻震懼皆望風降附，乃分兵取鶴慶。略麗江破石門關，下金齒。繇是車里平緬等處相率來降。十六年。

上以雲南平命長興侯耿炳文諭友得等班師。友德既平雲南，因其土裕，定租賦，興學校，瘞戰骨，廣屯田。撫軍俾民布惠澤，創設諸司衙門。十七年，普類篤棍佛先塞復叛，友德以大兵再至，誅之。夷民立友德生

祠凱還

上愨勞進封穎國公食祿三千石十九年再征雲南
二十二年率兵討曲靖普安龍海孟定曲麻馬乃等
處未靖諸蠻二十七年三月初二日暴卒賜葬安德
門外嘉靖元年巡撫都御史何孟春請建祠祀賜額曰
報功

郭英濠人洪武十五年從穎川進攻大理擒僞平章
段世是大理金齒復叛同西平候復討平之十七年
論功封武定侯

王弼定遠人洪武十五年同郭英攻大理擒段世乃
分兵取鶴慶破石門閣下金齒平卓里平緬諸夷十

七年論功加祿米五百石

仇成舍山人洪武十五年以安慶侯從征雲南克善定善安曲靖十六年復征大理金齒諸處果之十七年論功加祿米五百石

藍玉定遠人洪武十五年以永昌侯充左副將軍同穎川西平率師克雲南取大理鶴慶麗江建昌金齒車里平緬地方萬里皆入職方武功著多十七年論功加祿米五百石

胡海定遠人洪武十五年以都督僉事從征雲南正月進兵攻大理克之功同王弼封東川侯子斌以戰功仕都督同知位在海上海十五年從征雲南戰死贈

左都督

吳援合肥入以安陸侯從征雲南克譜定剿殺蠻寇有功
此取廣西轉餉盤江卒廿七年論功贈黔國公謚威
毅

金朝興巢縣人十五年以宣寧侯從征雲南定歸安
阮佑丞伍源納款府衛州治城此皆所經畫廿七年
論功加祿米五百石

陳桓濠人十五年以都督僉事從征雲南絲米寧越
烏撒克曲靖進攻大理十七年論功封善定侯二十
年又與靖寧侯葉昇總制雲南討軍立營屯南

張翼臨淮人十五年以都督僉事從征雲南克善定

由諸取鶴慶十七年論功封鶴慶侯三十餘年
張銓定遠太十五年以都督僉事從征雲南有功二
十二年進論前功封永寧侯

費象濂入洪武十五年從穎州征雲南克普足置費
州都指揮使司象果同事討平雲南征廣南俘斬萬
計還鎮雲南後

召還卿賜老

曹震濂人以景川侯從穎川征雲南取臨安激江諸
路十七年論功加祿米五百石

王志濂人十五年以六安侯從穎川平雲南繕城隍
立七堡奏凱而還

何福洪武十五年攻鶴慶克麗江破石門關下金蓋
肆是車里平緬等蠻却悉降二十一年克平羌將軍
討平阿酋三十一年射殺麗川刀鋒孟降其衆陞都
省府同知

方政陰椒人正統中官右都督時孟養宣慰使刀賓
貢以闇弱爲其部麗川酋思仁所逼奔永昌思仁遂
屠騰衝拔潞江自稱曰法法夷王號也事聞

朝廷以才望任政爲副將軍偕諸軍討之思仁遣其
將緬檢扼潞江我軍抵江不得進相持彌月賊詭以
撫康我而緬檢又挑戰不置政請濟師不向乃獨以
所部兵夜渡擊走緬檢破賊柵斬首三千餘級乘勝

進蘆德平于上江而諸軍無繼之者頃之議兵爲謀
政似旂牌取救不至乃遣其子瑛過江還自致急辭
吾死今日矣瑛叩首泣請同歸政赦叙叱之曰無多
言將官死分無逆策焉馳度兵焉躡度兵攬刺爲泥
布政使應發平按察使賴異以狀聞其後麓川事事
以死事贈威遠伯謚忠毅騰越人募之卒祠以祀
志草謂政忠節表著而僅一郡俎豆祀之似亦闕
典是矣今繇永昌宦賢移入絕部祝典在永昌似
可已矣蘇文忠曰鑿井得泉豈水專在是哉
蔣青正統七年爲總兵官同兵部尚書王驥討思任
任敗走緬甸九年緬甸函思任首來獻凱旋

上慰勞聖定丙侯

王驥字尚億直隸東鹿人登進士累擢兵部尚書正統中麓川宣慰使思任反遣將致討不利

上命定丙伯蔣青爲總兵驥總督軍務至雲南冷都指揮馮讓率大理諸衛兵赴援即中侯璉督師與賊連戰大破之賊前後死於水火鋒刃者八萬餘奪獲象馬輜重無算捷

聞而過常即羅稱廣新王叛於維摩

上又命驥剿之驥遣指揮使馮誠以土兵五百抵其境賊遁往安南驥傳檄諭安南新賊首并妻子來獻又廣南土酋儂即奉與富州酋沈激謀尋讎相殺者

十餘年驥慰諭之兩嶺頓釋旅戍

往親宴於奉天門頒賜誥券加封推誠宣力武臣特
進芳凝大夫柱國靖遠伯既而以恩任走緬甸未獲
土仍冷定西侯蔣貴馬總兵都督冉保毛福壽爲奉
將驥兼兵部尚書督軍至金齒遣人招芒市干崖等
三汁餘寨酋張悉來送款再遣人依緬甸獻思莊緬
人不從驥乃遣僉都御史程富督運倉穀貯金齒調
四川湖廣清州雲南兵至騰衝爲亞答木邦軍慰罕
蓋法寺統兵萬餘於蠻莫江游觀我軍容驥擣之退
去既而緬人率兵大至驥密令蔣貴率師匝江而下
焚其舟數百艘殺三千餘人而緬人載賊首遁去不

可得瓦孟平諸寨思任子機潛竄獲其妻子象馬寶
主甚眾捷聞

勅詔驥還

上慰勞如前加祿米三百石未幾機與弟什復據孟
養驥復領總督軍務都督宮聚張軌與禮訪璞調驥
萬兵十三萬至金蓋然金沙紅令都指揮趙倫構游
梁亘數千百尺渡兵運餉賊於兩岸立柵拒戰驥麾
兵悉渡一鼓破之賊又于鬼哭山崩立三次柵驥與
張軌親冒矢石一日而寨柵悉放機等死以奉木
命就剝苗賊宮聚失利得罪乃

命驥掛平蠻將軍印充總兵提兵擒殺苗賊偽稱剝

平王潘重富等送京師餘秦俱降增祿米百石子孫
世襲

前志云謹按天順日錄曰雲南麓川初叛適王振
事柄欲舉兵內閣議謂遠夷不足較且為耕守計
振弗從翰林侍讀劉球上言帝王馭夷狄不窮兵
以揚生靈麓川僻陋滅之不為武釋之不為怯宜
謹備勿征振亦不聽惟與王驥謀遂督調東南兵
十五萬窮其巢穴寇首不得惟得寶貨而還未幾
再征寇首亦不得三舉兵寇首竟不遁誅數年間
費需餉溢陞秩皆不足計但將士無辜死于兵革
者十數萬不惟雲南民不堪命貴苗亦因以叛驥

與宮乘張軌自麓川還復征首師無紀律致首則
載後陸軍死亦萬計驥恃僅以身克彭詔曰唐天
寶間有事于雲南今正統亦多事驥乃功之首罪
之魁

郭登臨惟人正統中以勲衛從靖遠伯王驥征平麓
川賊首思任為緬所獲不肯還獻登親至緬甸卻其
醜遺新造宣慰卜刺浪驚服竟斬任首以獻

侯璉泃西澤州人以兵部郎中陞侍郎參贊軍務征
麓川後進尚書總督征貴州功垂成而卒

趙敏兵部武選主事性方直佐郭登經貢章拔緬甸

取思任

項文曜汝安人進士尚書王驥奇其才以兵部主事
征麓川有功蹟

李菁長州人驥征麓川奏菁為左事竣陞工部侍郎
虛彬陝西咸寧人戶部主事時

上命將征麓川以彬督餉餉規畫得宜

鄒來學字時敏麻城人以戶部員外郎從王驥征麓
川有功陞郎中

龔永吉兵部郎中正統中從王驥征麓川有功

焦宏河南葉縣人戶部右侍郎征平麓川督餉有功
官聚正統十三年以都督同知佩平蠻將軍印與王
驥率兵趨孟養賊據金沙江拒敵乘造浮橋以渡指

揮汝宣肆銳攻之隨拔芒崖山等寨撤諭緬慰不刺
浪擒思機思倫既而思祿亦聽命遂建三宣撫司以
捍禦外夷

使命名賢

漢司馬相如字長卿蜀人元封間相如君長願請吏
比南夷武帝問相如相如曰邛笮冉駹者近蜀道亦
易通秦時常置郡縣至漢興而罷今誠復之愈於南
夷武帝以爲然乃拜相如爲郎中將建節往使畧定
而夷邛笮冉駹斯榆之君皆願爲內臣武帝大悅而
其時樸人張叔盛覽皆從授經學賦歸以教其鄉人
尤爲南方文獻之始云

王然于蓋充國呂越人三人皆元封中副司馬相如
馳乘傳因巴蜀吏幣物以賂西南夷長略定西南夷六
司馬遷武帝元鼎六年遷爲郎中奉使而征巴蜀南
略邛笮昆明還報命

張騫漢中人元狩間使大夏見蜀布邛竹杖問所從
來賈人言布之身毒國知去蜀不遠因盛言通蜀有
利無害漢武帝乃令王然于栢始昌呂越人等十餘
輩間出西南夷指冰身毒國皆各行一千里北方
閉氏徃南方閉焉昆明殺畧漢使莫能通比使還言
漢大國足親附武帝注意焉初漢欲通西南夷以貴
多罷之及騫言可以通身毒通復事西南郭昌衛廣

呂辟胡之師絡繹於道未能大得志於滇也

公孫弘舊川薛人元光五年通南夷巴蜀人苦是詔弘往視還盛稱西夷無所用武帝不聽時東置滄海北築朔方弘數諫以爲罷故中國以事無用之地願罷之止命未買臣難弘使發計策弘不得一周謝願罷西南夷之役專事朔方武帝乃許之

唐徐雲友乾符五年爲辛諫從事遣使如南詔雲南至善闍城驃信見之與抗禮使人謂曰貴府牒致使驃信稱臣奉貢驃信已遣人與唐約爲弟兄不則舅甥何煩之有雲虔曰驃信之先繇大唐之命得合六詔爲一息德深厚中間亦念罪在邊鄙今驃信欲修

舊好豈可遠祖考之故事乎須祖孝也事大義也思
爭仁也審分禮也四者皆令德驃信雖待之厚殺以
齊矣遠還然卒未肯奉表稱貢所著指南詔錄三卷
表滋字德深蔡州人始南詔異牟尋內屬德宗選即
夷可撫殖者皆憚行至滋不辭帝嘉之擢為冊使賜
金紫持節往異牟尋北面跪受冊印滋曰南詔當課
思祖考成業抱忠竭誠未為西南藩屏使後嗣不絕
異牟尋拜受命十一年三月遣清平官尹輔隨滋入
朝又得先沒蕃將衛景昇韓涼等及延京師九月異
牟尋又遣使獻馬六十匹

崔佐時貞元間為節度使帝率巡官會南詔異牟尋

請歸唐為藩輔詔命率遺謀往覲率令佐時至祥道
祥城時吐蕃使者先在其國陰令佐時衣祥刑服而
入佐時自我大唐使者安得從冰炭服異牟尋不得
已夜迎之設位陳燎佐時大宣詔書異牟尋灑左右
夾色泣涕再拜受命使其子閑勸及清平官曷佐時
盟點蒼山載書四一藏神祠若室一沉西洱河言置
祖廟一以進天子乃發兵攻吐蕃使者殺之刻金契
以獻曹長段南羅趙加寬隨佐時於朝初吐蕃與回
鶻戰殺傷甚衆乃調南詔萬人異牟尋欲襲吐蕃陽
以五千人行即自將數萬踵其後晝夜兼行大破吐
蕃於神州遂斷鐵橋溺死萬計俘其五王乃遣弟漆

羅揀清平官尹仇寬等二十餘人入獻地圖方物請
復號南詔帝眷之有加

元述律杰好文學虞集揭傒斯皆有文章送之及爲
元帥文雅雍容隱然儒者使車里以萬金采女遺之
一無所受蠻酋曰入我土而不爲金婦餽者元帥一
人而已

本朝王梯字子充浙江義烏人師元學士黃縉隱居
菁巖山中著書會

太祖取婺徵至行在署中書省接時高略機務悉契
上表語必稱子充而不名歷官翰林待制與宋濂同

典機密掌制誥

上嘗曰浙東有二大儒卿與宋濂耳學問之博卿不
如濂才思之雄濂不如卿洪武五年春正月

命棉偕蘇成詔諭雲南棉欣然就道以六月至雲南
見梁王君臣棉諭之曰

皇明創業統一萬方惟爾僻在西南永被聲教特遣
使者來諭意亟宜奉版圖歸職方不聽館別室棉又

言曰

朝廷軫念雲南黎庶不忍殲於鋒刃故令開諭若拒
不服必奉行天討王曰漢聞昆明命使莫遠唐勤遠
畧抵以自憊

天兵雖多恐無所用之棉曰王未聞乎陳友諒搃楚

張士誠提吳陳友定提閩明王珍提蜀彼皆重閩峻
嶺長江天塹率青芥獨雖爾元君北走以死擴閩帖
水見輩膏降恐後往事具在今王自度謀勇孰愈誠
諒兵強利廣孰愈

中國度德較義孰愈

天朝推亡固存孰俞天命王曰先生之言是也會况
遺孽有自立於朔漢者遣使脫脫敬遠兵以拒必敬
迫梁王殺棉王不忍匿為民間脫脫聞之誚讓甚甚
王不得已出棉見脫脫棉慷慨言曰天既迄汝元命
我

皇明實代之汝如燭火餘燼乃與日月爭光乎我豈

畏死耶脫脫屬聲譽累王或曰兩國交爭不罪宋使
况王公文行天下無雙宜有以全之脫脫曰今雖孔
聖不可存梁玉不能救遂遇害時洪武六年癸丑臘
月廿四日也年五十有二雲南城人莫不流涕梁玉
遣司徒達里麻致祭具棺余殮之洪武二十二年
贈翰林學士奉議大夫謚文節正統間改謚忠文成
化間賜祭立祠命有司春秋秩祭

吳璽字友雲直隸宜興人以能詩授教書郎改渭南
縣丞陞刑部郎中尋陞尚書改湖廣參知政事先是
上遣王禕詔諭雲南遇害至是遣璽復齎

勅往諭時梁玉遣其臣鐵知院等二十人報使漢北

為大將軍所獲送京師

上釋之命與雲偕行至雲南沙塘口鐵知院等令雲
朝服辨髮改制書詐為元使其詣梁王雲貴以大義
矢死不回鐵知院知不可奪遂殺之梁王聞知遣人
具棺柩殮雲於給孤寺後子散補國子生授交趾知
縣弘治間贈雲刑部尚書謚免節與王棉共祠即
賜額曰二忠有司春秋秩祭

李思聰湖廣貴陽州人

錢若訓浙江餘姚人俱洪武甲戌進士任行人洪武
二十九年緬甸為楚夷侵其境遣使入訴

太祖遣思聰古訓齋

詔往諭思倫發聞詔恐懼俯伏謝罪願罷兵適其部
首力幹孟率其部衆叛思聰等諭以

朝廷威德叛者稍退思倫發故倚使者脅服其衆固
留思聰等又觀其象馬金寶思聰等爲言諭却之謂
中國不以象馬金玉爲寶所寶者忠臣烈士強兵勇
將孝子順孫宜送使者還朝不爲殺獲斯可祇明爾
忠順倫發邀思聰等設燕率其部衆送之境上思聰
等還具奏其事沮著百夷傳記述其山川人物風俗
道路之詳以進

太祖嘉之各賜衣一襲

張洪常熟之行人來渠中緬甸那羅塔鼓盃養宣慰

乃木旦併其地

上命洪濟詔諭緬甸退還侵地羅塔不服凡六往返始聽命羅塔始欲置毒服其誠信乃也

周諫來案中任給事中奉使古剌數月至其地其酋率下備象馬舟艦來迎咸喜愕以手加額曰使者從天下也後遣使同諫來貢請吏

上錫以冠帶印綬授為古剌宣慰使

杜隱莘亭人麓川未下議遣使宣諭難其人有薦隱者召對賜襲衣囊藥力士重譯為价以行至則詰其不虛卒以其人入貢

上嘉獎陞禮科給士中以疾辭

王純河南大康人以浙江參政持節撫諭麓川平緬
宣慰司贈遺金貝固却不受盡輸藩司庫晉浙江右
布政使

治行名賢

漢王尊字子贛涿郡人元帝初元中遷益州刺史先是
王陽爲刺史行部至邛崃九折坂回車及尊爲刺
史至此叱其馭曰驅之陽爲孝子尊爲忠臣君部二
歲以威信懷衆徼外蠻夷歸附以治狀遷爲東萊相
志草曰子陽去後宣元間兩赴徵命不以年老辭
子贛數坐殘賊廢亦沾沾喜功名早惡能忠孝今
考邛崃即相嶺滇越路也所云懷衆歸附治化及

須矣舊志有取爾乎

蔣琬蜀漢廣都長政務安民不事修飾丞相嘗稱爲
社稷器非百里之才表爲尚書令尋加行軍都護假
節領益州刺史充典學從事

馬忠字德信閬中人拜犍犄太守自朱褒亂後忠撫
理甚有威惠及劉胃反擾亂都即以忠代張翼爲來
降都督忠遂斬胃平南夷加拿威將軍封博陽亭侯
忠有度量忿怒不形於色威恩竝立夷人畏愛及卒
流涕盡哀立廟祀之

張嶷字伯岐南充人從馬忠討劉胃戰關常冠軍首
寔斬胃平南夷犍犄與右獠種復又忠令嶷往討疑

招降得二千人悉傳詣漢中初越嵩即夷數反謀太守是後太守適住安定不進臣是以嵩為越嵩太守疑悉特所領往之即誘以恩信蠻夷頗降附在郡十五年邦域安務微詣成都東隨之朝貢者百餘人後卒越嵩夷民聞之無不悲泣為嵩立廟由特水澤輒祝之

晉李穀寧州刺史政治民達夷民信服

孟寧州治中惠帝末西南夷叛會刺史李穀辛孟詣京師求刺史不見省孟因陳白君七親表幽閉窮城萬里訴哀不垂愍救既憊抱昏無哭秦之威漆椽采妻無崩城之驗存不若亡乞

賜臣死朝廷憐之乃以王遜為刺史

尹鳳寧州刺史先守零陵用陶侃薦移寧州

隋梁毗字景和安定烏氏人隋高祖時以直忤權績
出為西寧州刺史先是蠻夷酋長以金寶相表送相
陵奪邊境駭然毗至相率以金來覲毗對之物反曰
此物何濟于饑寒悉以還之於是蠻夷感悟遂不相
故擊高祖聞而善之徵為大理卿

唐韓思彥字美遠鄧州人高宗朝為監察御史巡察
劾南益州高贛兄弟相訟累年不決思彥勸贛人飲
以乳二人悟寤有相泣曰夷獠不識孝義公無以兄
弟共乳而生耶乃請輟訟至西洱河誘叛蠻降之璽

書裴美馮

郭劉敬宗時以兵部尚書帥軍南討南詔攻梓州劉
盛兵以備遺書青巒而嘆巔巔以杜兇類侵擾為解
因決意遣使入貢天子嘉之時白居易有變乎朝詩
蓋美劉之懷遠夷也後以病稍廢事見李文範傳

元張立道字顯卿陳留人年十七以父任備宿衛隨
以王府文學從皇子雲南王忽哥赤之鎮勸王務農
以厚民却署立道勸農官領屯田事時元帥蕭洽以
簿制忌忽哥赤為王設晏置毒酒中詔汪府官毋泄
立道聞變叱守門者入為王言狀王口肉已腐是夕
暴薨立道潛結義士十三人約共討賊刺臂血以飲

推一人走京師告變事露竇合丁固立道將殺之爲
匹提舉張忠劾而出共旱至吐番舉通御史大夫博
維歡王傳別帖與告變人俱來二人者遂與立道俱
還按竇合丁及王府官受賂者皆伏誅有旨召立道等
入朝問王堯狀帝聞獻敬久之曰若等勞苦今故事
朕乎事太子乎事安西王乎立道奏願留事陛下於
是賜立道金張忠等各授以官八年使安南宣建國
號詔立道竝黑水跨雲南至其國歲貢之禮遂定
十年授大理巡行勸農使佩金符昆明池周遭五百
餘里夏秋水潦域多侵者立道求泉源役丁夫治之澆
其水得壞地萬餘頃皆為良田又教製焚蠶桑之法

收利十倍諸蠻相率降悉即縣之才五年除中慶路
總管佩虎符立道首建孔子廟置學舍勸子弟以學
擇蜀士賢者迎以爲師歲時率諸生行釋菜禮風俗
稍變平章賽典赤表於朝進官聚之十七年入朝請
以雲南王子也先帖木兒繫番帝從之遂命立道爲
歸安廣西道宣撫使兼管軍招討使階辭賜以弓矢
衣服鞍馬會木泥路大酋領必思文煽動諸蠻亟發
兵討之拔其城尋金齒甸越林甸皆下之有遺以割
象金鳳異物悉獻諸朝二十二年又籍兩江所部戶
二十五萬有奇以其籍歸有司遷臨安廣西道宣撫
使復創廟學建水路書清白割於公解以驚貪墨風

化大行入朝值權臣用事退車散地條陳十二策帝
皆嘉納三十年封皇曾孫松山爲梁王鎮雲南仍拜
雲南行省參政卒立道官雲南最久得土人心爲之
立祠於善闡城西所著有安南錄雲南風土記六詔
通說若干卷子元行省左右司郎中

賽典赤賸思丁回回人其國言賽典赤猶華言貴族
也世祖至元十一年命思丁撫治雲南思丁受命訪
求知雲南地理畫其山川城郭驛舍軍屯戍險遠迤
爲圖以進帝大悅遂拜行省時宗王脫忽魯方鎮雲
南左右請王乘甲兵爲備丁聞遣子諸王所請曰天
子以雲南守土非人諸國背叛故命臣安集之今未

敢專願王遣一人來共議王聞責進言者遣親臣至
問以何禮見對曰吾等與納達刺丁偕來視猶兄弟
請用子禮是眞名馬爲贊拜跪甚恭乃設晏陳所賜
金寶餘器酒罷盡以與之二人大喜過望明日來謝
語之曰二君雖王親臣未有名爵致各授君官似未
見王未敢擅授今一人先還白王王大悅縣是故令
一聽丁所爲十二年奏諸夷未附者多今擬宣慰司
兼行元帥府事竝聽行省節制又奏哈刺章雲南壞
地宜改置令長竝從之十三年以所改雲南郡縣上
聞乃教夷民拜跪之節婚姻之禮死者爲之棺槨奠
祭耕耨者爲作陂池以備水旱創建孔子廟明倫堂講

經史置學田文教稍興雲南民以負代錢是時初行鈔法不便丁為奏許仍其俗又相地置鎮毋鎮土酋史百夫長各一人行者或值剽掠則罪之有土吏數輩為丁所黜至京証其專僭數事帝顧侍臣曰丁憂國愛民此輩之告証也命械送丁治之既至既械諭之且與以官職皆叩頭謝誓以死報交趾叛服不常遣人諭以禍福約為弟兄交趾王大喜乞為藩臣羅槃旬叛往征之有憂色從者問故曰憂汝曹身鋒鏑不幸以無辜死又憂汝曹剽虜平民使叛則又從而征之耳師次羅槃三日不降諸將請攻之不可遣使諭之越三日不降諸將復請攻又不可俄而將卒有

柔城進攻者遂鳴金止之召而叱之曰吾奉命安撫
不奉命殺戮也無主將命而擅攻法當誅命左右縛
之諸將叩首請俟城下從事羅槃主聞之曰平章
寬仁拒命不祥乃舉國降諸夷聞風翕然款附夷酋
每謁見例有獻納悉賜從官貧民秋毫無所私爲酒
食芳酋長製衣冠襪獲易其卉服草屨酋皆感悅丁
居雲南六年卒年六十九百姓巷哭巷鄰關北門交
趾王遣使褒經致祭帝思其功詔省臣守其成事不
得輒改大德元年贈咸陽王諡忠惠子五人長納達
剌丁次哈散廣東道宣慰使都元帥次忽辛次苦連
丁九點里建昌路總管次馬連忽雲南諸路行中書

省平惠政事

納達判丁累官雲南路宣慰使帥大理以軍拔金鹿
蒲德曲蠟緬國招安夷寨三百籍戶十二萬二旨定
租賦置郵傳立衛兵歸以訓象十二入貢時雲南省
臣撫綏夫方授納達賜訂行律書省左丞尋陞右丞
建言三事其一謂雲南省規措所造金尊貿易病民
宜罷其一謂雲南省有省有宣慰司又有都元帥府近
宣慰司已罷行省既兼領軍民則元帥府亦當罷其一
謂雲南官項子弟入衛達官子弟當遣餘宜罷奏
可二十一年進平章政事奏減哈剌章冗官歲省俸
金九百餘兩專入督屯田課程歲增金五千兩二十

九年辛贈中書左丞相延安王子十二人忽先雲南
行省平章政事沙的雲南行省左丞

忽辛大德元年改雲南行省右丞既至條諸不便事

言于宗王王不可忽辛與左丞劉正馳還京師有旨

令宗王協力施行絲湜一切病民之政悉罷豪民避

徭役往往投充宿衛有司不勝供給忽辛按朝廷原

額所無者悉籍為民減其宿衛三分之一馬龍首謀

叛陰與賊通事覺宗王為左右所蔽釋不問忽辛與

劉正反覆研鞠反狀盡得竟斬之軍糧支給吏緣為

姦忽辛籍軍戶姓名及倉廩處所為更番支給吏姦

始除先是驛思丁建孔廟為學校撥田五頃以供祭

祀教養贖恩丁卒田爲大德寺所有忍辛按廟學權
籍歸之乃擬下諸郡立廟學選文學爲之師文風以
興注府者爲多悉縱之知數民殊務而牧人騷擾民
無寧若忍辛度地置草場構屋使爲牧所民得以安
濟兩酋沙奴便化忍辛遣使誘致待之以禮留教月
不遣而請還忍辛曰汝教還可細印來誦不得已齋
印聖忍辛置酒晏勞諷令偕印來覲帝大悅大德五
年緬酋負用忍辛遣人諭之曰我老賽典赤乎章子
也惟先訓是遵凡官府於汝國所不厭之事當爲汝
更之緬酋聞遂與使者偕來獻白象一既入帝賜緬
酋以世子之號烏蠻寺租賦歲煩軍徵索忍辛以利

害榜諭諸蠻不違下卒而租賦咸足俄有烏飛語惑
宗王者忽辛馳報朝廷遣使緝問凡造言之徒悉誅
之忽辛偕使者還觀至大三年卒贈雍國公謚忠簡
子二人伯抗中慶路達魯花赤

爰德昔里鈐印子也慶爲大名路達魯花赤至元五
年從雲南王征金齒諸部警兵萬人絕縹旬道擊之
斬首千餘級諸部震服六年再入定其賦租平火不
麻等二十四砦得七訓象以還七年改中慶路達魯
花赤兼管爨楚軍十年平漳賽典赤行省雲南今爨
魯疆理永昌增田爲多十一年閱中慶版籍得隱
戶萬餘以四千戶即其地屯田十餘年遷雲南諸路

宣慰使副都元帥明年復立雲南行省拜參知政事
明年烏蒙羅佐山白水江蠻叛復討平之又明年諸
王相吾魯兕帥諸將征緬愛魯供餉餽無乏餼二千
年卒贈平章政事謚毅敏子教化中書平章政事請
于朝贈其祖昔里鈐部太師謚貞獻加贈愛魯太師
追封魏國公改謚忠節

趙世延字于敬其先雍古族人居雲中至元二十一
年授雲南諸路提刑按察司判官時年二十有四
烏蠻酋叛會者臣以軍討之蠻兵大潰請降擢監察
御史累官四川肅政廉訪使至大中八百媳婦為邊
患右丞劉深往討兵敗還棄市於是右丞阿忽台當

繼行世延言變夷事在羈縻而重煩天討致軍旅亡
失誅戮者臣藉使盡得其地何補於國今窮兵黷武
窮傷聖治朝廷第當選重臣付以邊寄兵宜襄事聞
振家院謂用兵大事不宜以一人之言爲輿輟世延
章再上兵竟罷後官遷中書平章政事對魯國公議
文忠

程思廉雲南行御史臺中丞始至蠻夷酋長來賀祠
若遜而意甚倨思廉奉宣德意按懷遠人且明示禍
福聞者懼服雲南舊有學校而禮教不興思廉力振
起之始有從學問禮者

劉正學清卿清州人太禧元年滿雲南行中書省左

丞若丞忙兀突魯迷夫請征緬正以爲保可俄俱被
徵又極言其不可不從師課無功滇南民藏輸金銀
所差官必重賂省臣乃得遣徵收金銀之數必十加
一而折聞之數又如之其送迎饋贍亦如納官之數
所違者又以銅雜銀中納官正者既革其弊給官秤
桿土官自輸納始至官儲銀百錠比四年金百錠銀
三千錠七年秋還靖州

支渭興字文舉卻陽人至順庚午進士爲雲南行者
考試官道授留雲南晏進宣慰副都元帥有惠政能
文章所著詩集行於世

李涼字景山河間人太德五年繇樞度宣慰烏蠻尋

陞烏撒等道宣慰副使佩虎符兼管軍萬戶時烏蒙等處隸雲南行省京訪下車會羣蠻不靖按行調發親給填撫周復滇境後悉其見聞爲誌畧四卷以進翰林學士虞伯生旣明善持之

三旦八字山堂跡飛山子四夏人至正間雲南行省若丞多令政深得軍民之心有遺愛焉

朵兒赤字明道西夏寧州人世祖時爲雲南廉訪副使時諸蠻叛僚佐悉稱故而去赤獨居守又八月省臣大懼歸符印欲遺赤白梁王撒之乃出及爲雲南廉訪使曾行省丞相帖木迭兒羅織安撫使法花魯丁將置於極刑赤曰生殺繫於天子方面之臣專錄

意將何爲法花魯丁竟獲免尋獲其官焚夷與藥相
繼殺時省臣受賄助其報讎乃誅奏藥叛起兵殺良
泯赤奏劾奏之六年六月二帝於宦子仁通雲南諸理
間天曆二年三月雲南諸王兵萬戶伯忍等叛仁通
率官軍抗之沒於陳

北流不花蒙古怯烈氏世祖二十三年拜雲南行中
書省平章政事時阿即可馬丁諸種楚夷爲藥村平
之遂立登雲寺路府州縣六十餘所得戶二十餘萬
官其酋長定其貢稅邊境以寧

徹里帖木兒阿魯溫氏幼沈敏有大志早備宿衛至
順統年雲南伯忍叛以行樞密院事總兵討之軍有

紀律所逼無犯賊平賞濟甚厚悉分賜將士師旋棄
中業推中節而已

怯烈酋賊人世居太原縣譯史從平章審典赤經畧
到陝至元廿二年立雲南行省署馮滿官諸洞蠻夷
酋長款附怯烈功居多十五年分省大理會類人平
寇以戰與蒞軍討平之授行中書省左右司員外
郎十八年平章納達刺丁遣詣闕敷奏邊事世祖愛
其才辨錫虎符拜鎮西勳麓川等路宣撫司達魯花
赤兼管軍招討使城都烏蒙諸驛阻絕怯烈市馮給
博牲諫便之俄被召上問以征緬事宜奏對稱昔賜
幣帛及翎根甲諸王相吾登見奔逐太子征緬命怯

烈率兵船爲鄉導放江頭城旅而還復從雲南王之緬總兵三千屯鎮驃國設方畧招徠其黨繇是復業者衆後入境世祖慰勞之詢以緬國始末擢僉緬中行中書省事佩金符碩詔於緬宣布威德緬王稽顙稱謝遣世子信合入朝貢遂重南諸路行中書省叅知政事進雲南諸路行中書省左丞大德四年以疾卒

張萬家奴至元間進副都元帥將四川湖南兵征哈刺章時雲南恩昌多興羅羅諸蠻皆叛殺掠使者州郡莫能制遂以其兵討之勦其衆民爲之立祠二十一年從征緬戰死雲南王命其子保童將其軍從征入

太公有功掣副都元帥

楊祚字慶之廉訪僉事有才畧所至以興學化人為先

驢兒達德爲雲南行省左右丞初達里麻既敗梁王聞之率其母嘉喜妻忍的斤等百餘人乘舟趨滇池謂驢兒等曰我宗室無降理仰藥死妻子皆死之達德既進毒於王亦皆自殺妻子從死者幾二千人本朝梅思祖故汝南侯洪武中雲南既平

命思祖掌布政使司事善於撫輯夷民安之

陳迪字景道直隸宣城人幼侷儻有志操洪武初辟郡學訓導歷陞雲南左右政使時曲靖烏撒烏蒙夷

得倅迪率兵擊破之捷 聞

賜金幣陞禮部尚書

張純字昭季陝西富平人儒士洪武初平雲南以純
爲右叅政陞右布政使凡雲南貢賦法令壇祠公署
一切典禮皆所規定夷民心孚遠近奠安秩滿入

覲治行爲天下第一特令吏部勿考

賜璽書聚勞歷任三十年陞吏部尚書

陳遜福建浦城人永樂中爲雲南左叅政陞右布政
使學有志操卒於官無以爲歿都督沐昂爲經紀其
喪歸之

總兵官

沐英字文英定遠人父起母顧氏英八歲而孤屬元末大亂母攜之逃難又故時

太祖高皇帝龍飛濠梁英往從

上惻然撫之爲子賜以國姓年十八爲帳前都尉甲辰遷廣武衛指揮使尋加昭勇大將軍敗廣信衛勳於軍政士卒有蹂民田木者必加重譴百姓安之洪武元年二月從征陳友定拔溪寨破漳泉等州遂定

國中三月

命復姓仍調守建寧節制邵武延平汀州三衛三年授鎮國將軍僉大都督府事四年陞本府同知進階榮祿大夫署掌府事九年巡勞閩陝以西疾苦事多

新便宜十年副衛國公鄧愈征西戎直抵莫奔山道

霖雨沃旬餽運弗繼能與士卒同其苦士皆感悅効

力關地數十里遂進封西平侯賜號開國輔運推誠

宣力武臣階仍榮祿大夫勳柱國食祿二千五百石

授以鐵券世襲十一年拜征西將軍征西番降其衆

二萬俘馬牛羊二十餘萬得納降七站之地擒其酋

長獻於京威震西土十三年春元餘草脫木赤國公

愛足知院烏達患英特西兵略亦集乃西路渡黃河

經寧夏歷駕蘭山涉流沙至其境分軍爲四夜銜枚

以進合兵攻之俘其全部以歸又副大將軍徐達北

征誅高全寧過驢駒河獲知院李宣十四年九月

上以元遠舉梁王栢匪刺兵爾密恃雲南險遠收我
信使以英鄒穎國公傳爰德率師三十萬征之遂結
辰沅遵陸路出羅鬼攻普定普安循格孤山之南出
奇兵襲畢節擊可渡河皆下之梁王遣其司徒達里
麻駐兵曲靖拒守英謀於爰德曰雲南兵屯曲靖必
意我軍深入疲勞且以糧計之謂未能倖到彼必懈
惰我若兼程以進出其不意掩其未備此批亢播虛
之備也曲靖一破餘可傳檄而定爰德然之遂乘大
霧進至白石江阻水而止霧斂則已薄其營英整虞
鳴鼓若將濟者彼悉擁精銳拒於水上英別遣兵軍
泝流暗渡楡山出陣後吹銅角以張聲勢仍於岩谷

間樹旗幟爲疑兵達里麻驚懼急撤陣後軍以禦承
上軍心動陣亂英拔刀變兵以濟士有猛而善迺者
數百人皆蒙省而渡以長刀仰斫岸上軍却我軍得
登者人百其勇友德麾兵進戰火炮交發聲震天地
接戰數合英縱鐵騎衝其中堅連斬數百人彼衆被
靡遂敗之生擒達里麻俘甲士二萬馬萬匹死者橫
屍十餘里梁王聞敗走死滇池島中友德英駐兵金
馬山父老焚香迎拜入城禁士卒毋擅掠收梁王金
寶并官府符籍雲南平遂分兵下烏撒得七星關以
通畢節十五年春分遣將士略建昌激江臨安元江
尋甸楚雄洱海獨大理酋段世不下英命常茂領兵

從間道繞點蒼山後樹旗幟以亂之而自斬關入遂
拔其城擒世調勝兵取鶴慶掠麗江下金齒軍聲大
震于是摩娑和泥車里平緬相率來降奏分烏撒烏
蒙東川芒部達昌會川羅鬼善定普安水西畢節隸
四川自是雲南列為群邑分設軍衛犬牙相制雲南
大定時烏撒諸蠻有變志英與友德協謀攻下之并
克芒部立烏撒畢節二衛秋雲南諸部復叛英馳赴
剿平

詔留英鎮守其後廣南特磨迤浪穹鶴慶劍川等蠻
相繼煽亂英皆討平之二十一年百夷屯摩沙勒入
犯調都指揮甯正領兵擊破之三月復搃衆蹙三十

萬戰衆百餘寇定邊以報摩沙勒之後英帥馮誠審
正湯昭分軍爲三全隊騎士鼓勇爭進賊悉衆出營
盡驅戰衆結陳以待英駐馬高岡觀左隊少却遽遣
使馳取左隊將之頭左隊將遙見使者橫刀飛馬而
來復擁士卒大呼突入其陣無不以一當百大戰破
之斬首三萬餘級俘萬人衆中矢死者過半生獲四
十有七百夷酋長思倫發聞之遣人奉方物犀象來
降願輸貢賦英爲之請於

朝許之遂定其地又其後東川羣蠻廣西阿赤部酋
者滿矣情越州阿資復相繼叛英又討平之冬十月
入覲

上宴勞賜黃金銀鈔文彩百純別賜鈔五萬貫賜第
鳳陽十日而還英初入京雲南之民無老幼咸感然
東向望者累月及還相率遠送於數百里之外二十
三年秋九月臨安教化三部不供租賦調本衛指揮
王執討平之冬十月善安酋密即作亂調貴州都指
揮張泰討之二十四年春正月順寧蒲蠻猛吾馬威
爭襲傷及官軍調都指揮俞輔往問其罪長四月阿
資又叛英自帥諸將擊之殺獲殆盡阿資僅以身免
遣其子請降秋七月英以八百媳婦率遣使招之
其酋長刀木板懼遣招剛閣都奉方物貢於

朝二十五年五月十七日得末疾卒年四十七訃聞

上哭之慟輟朝遣官致祭其詞有曰使哉無西南之憂者英之功也樞發雲南軍民佺倪暨諸蠻夷酋長攀號哭送者數萬人至京

上遣中使祭靈迨封默寧王諡昭靖配享

廟庭

賜葬江寧縣觀音山之原英爲人沉毅有智量所至未嘗濫既鎮雲南乃築城垣設衛禦簡官僚撫苗土豪興學較治水利立屯田定貢賦均力役好賢禮士納儒生之言讀大學衍義學問益淵邃又大書周子太極圖說張子東西二銘朱子敬齋箴孔明出師二表李密陳情表韓愈佛骨表朝夕曉對求其理趣又

擇民間俊秀及士官子弟皆命入崇禛業使知禮義
嘗得太極圖善本并白鹿洞規善之刻石置文廟平
居有馬癖嘗語人曰地用莫如馬吾將也馳逐於兩
陣之間與吾一心以立功者在浪驥耳蓄意甚富擇
其良者以充貢至今爲例雲南父老願卽府城立廟
合辭以聞報可及追王三代妻馮繼取俱進封縣寧
王夫人子男五春最昂最折

沐春字景春初授驃騎將軍後軍都督僉事洪武二
十五年襲爵嗣鎮雲南次年越州阿資叛率兵討之
斬其首以徇二十九年寧遠州刃拜欄恃遠不服遣
都督何福征降之三十二年佩征虜前將軍印歲四

刀幹孟橫兵逐其主思倫發春駐師金齒復遣何福
等大破其衆自是蠻夷震懾不復搆貳尋卒卒之夕
有星殞聲如雷訃聞

上輟朝一日

賜祭葬禮如昭靖謚惠襄春在鎮七年開田三十萬
五千九百八十四畝增糧四十三萬五千八百石有
奇復民戶五千七百五十口五萬二千四百二十有四
初黔寧王沒

上深以爲憂或當朝而嘆及春至雲南條數事成區
處有方

上覽其奏顧謂廷臣曰西南得人朕無憂矣春狀貌

不逾中人平居殿日大衣綏帶如儒生及行師號令
嚴明士卒用命故能有成功云

沐晟字景茂器字淵弘

高帝甚愛之既冠命爲後軍都督僉事特進榮祿大
夫左都督尋嗣兄壽鎮守雲南先是麓川思任發及
其子機發與羣酋各據甸寨以叛元江景東諸隣郡
皆告乞倫發舊所侵地通晟來鎮請於

朝命都指揮萬中等徧歷其地勘處遠以所侵地設
孟養沐邦孟定三府鎮沅威遠二州干崖潞江灣甸
大候者樂五長官司衆皆如約釋兵請歲納貢賦仍
於潞江迤西立騰衝十戶所控其險要諸夷帖然永

樂三年八月土酋侵邊嚴奏遣都指揮陳濟等領勤
兵三十往剿嚴駐紮自烏聲接蠻退其酋快事即某
夏四月賜白金旌之是年安南化順杖七月同新城
侯張輔副總兵征夷將軍成國公朱能但征九月蘇
蒙自進兵經野蒲抵其境先調陳濟等攻齊猛烈柵
華圍隘使兵進築堡造舟復遣都指揮徐源等分兵
突出宣光江口奪澳泐寺沙屏舟夜出泚水陳師其
上仍令津沂流合攻蠻衆於富良江鏖戰至暮方止
翌旦將士咸欲奮擊乘勝屠戮嚴弗從遂合京軍攻
麥邦城柵及橋其東西二都若盤雅因杖嗜江僮侶
皆破之駐兵播種招諭者從五年夏五月嚴遣至日

南州奇羅海口擒其父子官寨所得府州四十八縣
一百八十六戶五百一十二萬五千九百獲象馬牛
羊并俘賊軍仗無算六年班師進

封顯忠輔運推誠宣力武臣特進榮祿大夫在柱國
黔國公食祿三千石授以鐵券世襲兼

賜玉帶金帛

上親製詩褒美之是年冬陳李擴等復緝兵烏惡最
迫至大安海島悉擒之十七年夏六月富州酋長沈
絃經反勦潛截其後絕水道衆請亟攻晟曰吾姑以
德勝之論以禍福遂降正統元年冬回川會麻黎漢
賊矣的等誘合附近無賴底泊等滿聚塗沙江晟遣

弟昂除之二年冬十月馬龍他即向刃堯却檢公署
告奪地方復遣昂剿平之三年夏與月麓川夷思在
發侵掠騰衝南甸嚴奏調雲南等四都司合兵擊之
冬十二月至潞江造舟六十餘艘遣昂及都督方政
張榮等夜渡破其柵斬首三十餘級獲象三十餘隻
方政戰不利死之晟還至楚雄道卒年七十二訃聞
昇震悼賜祭葬賜愍遣封定遠王謚忠敬晟為人勤
慎天性忠孝嗣鎮雲南四十餘年撰文奮武訓練將
士安輯夷夏重科舉招遺逸尤紹於前人勤儉嘗舉
孔子之言曰言忠信行篤敬雖蠻貊之邦行矣苟順
而弗逆彼自安也

沐昂字景顯年十九授散騎舍人洪武三十五年陞
府軍左衛指揮僉事永樂初使雲南遂留輔鎮邊務
機密戒輒違昂報恣稱

旨永樂四年進都指揮同知師宗元江雷州緝摩諸
夷酋相繼叛皆以計擒之陞在軍都督府同知宣德
元年平瀾滄刀安等寇進右都督正統元年討平黎
溪賊泊及刀魔三年從討麓川思任發晟回軍至於
楚雄道卒昂扶柩還雲南四年佩征南將軍印復征
麓川師至龍把攻破關欄賊遂遁

朝廷復命定西侯蔣貴靖遠伯王驥會兵往征至騰
衝昂分軍誅于崖南甸進擣其巢穴俘馘無算進奉

都督卒年六十有七

贈定邊伯謚武襄昂孝友和易御火以誠信不以利害爲趨舍凡所舉動皆合人情卒之日漢人爲之罷市子儋字可怡有詩名授錦衣衛副千戶蚤卒

贈榮祿大夫右府都督同知所著有敬軒集子懷瓚沐斌字文輝初名儼字可觀晟長子曆齒陵事王母耿母程皆盡孝正統五年襲封黔國公繼武襄鎮守通緬甸宣慰卜刺浪擒獲麓賊思仕發匿不械送斌遣都指揮李昇以兵臨之遂函其首并械其妻來獻十二年機發據孟養爲患斌會靖遠伯王驥平蠻將軍宮聚總諸道兵討平之己己貴州苗及水西蠻攻

圖畢節等衛斌遣兵往救論以禍福賊遂解散景泰
元年卒年五十有四謚榮康斌謙恭純篤馭將吏有
恩子琮

沐璘字廷章信之子年十三喪父十五喪祖及母居
喪守禮初廢父信千戶進襲祖指揮僉事尋以功陞
雲南都指揮僉事景泰間進右軍都督璘總兵
官繼斌鎮雲南修廢舉墜汰冗扶靈政務必舉亦思
機發之未獲也

朝廷檄璘捕滅衆議深入璘曰此釜中魚安能久乎
深入徒勞非計之良也宜以大軍臨境遠尺書於緬
甸內襲外扼擒之易耳緬人果以機發并其妻子來

就賞於是械送京師

朝廷遣使勞賚甚厚時廣南土酋儂儂榮叔儂爲亂
璘遣官授以成算平之木邦陶孟思指構兵劫其長
夫六月卒年二十有八璘爲人端謹不嗜酒恬淡類
儒者門無私謁奸讀書長於吟咏尤工篆籀草書遂
五華書屋羅書史其中政暇與士人討論及古今人
物高下雖竟日不倦無故不入私室每延賓僚廣和
宴樂有古儒將風所著詩文若干卷

沐瓚字廷器善騎射有膂力景泰間初襲錦衣衛副
千戶

英廟嘉其儀觀魁偉有祖父風陸都督同知充總兵
官陞鎮修城壘增糧儲禮賢興學禁貪剝處祿谷夷
及霰蓋阿賽構亂悉遣兵平之隴川木密麓川諸叛
夷俱所平定成化三年協鎮雲南明年改副總兵鎮
守金騰未幾卒年四十有三子誠詳

沐琮字達方斌之子成化元年襲二年奉使至艷靖
王喪禮三年還鎮雲南五鼓即起視事朔望謁文廟
畢命諸生進講經史詰寬解額墾屯田絕姦祭假進
窺覘并革尋廣土官知府銜名置大羅衛以控制犬
理賓川地方偕都御史程琮往撫孟密所邊無擾時
有獻平孟密策者斥之曰自征麓川以來軍民困憊

已極吾軍招徠之何忍復爲地方禍聞者疑之尋加
太子大傅弘治九年得永疾卒年四十有七琮平居
嘗學手不釋卷至陰陽卜筮星命之說無不究心無
子以從侄誠之子崑爲嗣

贈大師諡武僖

沐誠字擇善瓚長子七歲通孝經論語長襲曾祖武
襄指揮僉事閑韜略工吟咏善草書季父武僖器重
之瓚卒軍民合辭乞誠繼鎮全騰仍進錦衣衛都指
揮使充叅將芒市諸酋爲邊患率士卒往捕之卒年
二十有六

沐詳字擇明瓚次子以鎮巡叅將錦衣衛指揮僉事

鎮守金騰時孟密酋思標侵擾木邦詳深入其地
諭懇城思標悔過竟歸侵擾遣使納貢成化二十一
年蕭酋阿林莽丘連結作耗詳以計縛莽丘斬阿林
以還捷

開賞勞甚厚二十二年干崖作亂討之尋以他事望
議罷歸瀛城卒年三十有二

巡撫都御史

丁璿上元人正統間以僉都御史來撫滇時兵制尚多缺略士卒無馬璿至始議增置軍容以漸修矣楊寧錢塘人先以都御史巡撫後以麓川之役陞刑部侍郎叅軍務駐師金齒徒學宮而新之規模視舊址甚宏遠也

鄭顥錢塘人正統間先任按察副使民情練熟比開府政肅而令行尤善屬文多所著述

王恕字宗貫三原人正統間以南京戶部侍郎改巡撫雲南時鎮守大監錢能用人私入郭景通市交夷誅求無厭露章論劾景懼自盡沒其實玩弄檄景黨教

人至京師又有獻黃鸚鵡者疏言漢末鼠巢於木野
鵲變色識者以爲不祥夫鸚鵡本綠而今黃非此類
與乞

降詔除之并四方有獻異物者一切謝絕在漢九閱
月疏二十上急止侵漁因土反叅隨擾害貿易交吐
種種功德于滇甚厚去滇日軍民戀戀如嬰孩之慕
父母至今百數十無少長賢愚至橋三原王公也

張誥字汝欽華亭人興水利建倉廩儲兵食革奸弊
孜孜焉

國時有濟河之役給糧不能以時驕兵鼓噪得誥填
撫旋就底定軍民至今仰之

范鑄字鳴遠臨泚人持直氣重名節時本築玉璽樓
威福鑄獨不附璽啣之適富民與史高公結以御史
劾璽請官鑄委薦公詔可大用璽益憾遂誣鑄擅委
都司官奏逮下詔獄尋降請嘉靖改元登用耆舊已
卽世矣哉

賜祭復其官

何孟春字子元郴州人博雅魁一特政務委集時有
石言之異橋于神蟻飛石裂亦異政也

志草曰十八寨之役將多妄殺然知缺缺自恨
從民重鉅恨無及也然非李廣所謂恨耳不知當
時所以待若輩者何如

王啓字景昭黃巖人建書院治城郭復永昌府治諸
所學畫毅然不爲浮議所挫

董裒字子和南海人以本省方伯陞任諸練邊情事
至輒斷則方不可奪

顧應祥字維賢浙江長興人嘉靖中一再撫滇博咨
軒卽不事苛察文章行宜一時推重滇人祠祀與王
三原何柳州並云

王懋中字與時江西安福人洪輝別弊兼得畏懷
鮑象賢字復之直隸歙縣人廓達練事參大略備兵
任臨安臺安南之役其功尤偉後陞兵部侍郎世
蘇漢徽字而忠延西臺歲歲堯與參政分守臨元性

度嚴重事制以寬而人尤服其廉

輯維嶽寧叔望四川叙南人廉正鎮密滇人捕之

蔣宗魯字道父貴州普安人精明嚴毅弭盜安民先

任臨安兵憲以權宜調劑完元江之局見點記

呂光洵字信卿浙江新昌人時方急故竭忠力而重

國威誅鳳繼祖於武定斬王一新於易門殲高欽於

姚安昆陽蕃甸一帶點賊以次莫夷諸蠻落勝邊境

再造

陳大賓字敬夫湖廣荊州人力行鄉約並用保甲諸

所化俗彌盜之歎類此改建院署閩左若不聞不知

者

鄒應龍字雲卿陝西長安人歷官以才望推彈糾不
避權貴至滇毅然以摧廓為己性鐵索著冠狂悖卑
騎督征倭無算犂文設所瀾澹宴然

志草曰公性沉警喜功名後以慕容趾高核師送
蒙剗良民昌首功外憤內激卒蒙惡聲所謂慕容
非一人其後為巡按御史陳公文變論劾俱寘之
法內李朝臣者有謀能戰惜手用之不善耳又有
楊譽者從公行公一日仰闕攻賊案賊積銳直衝
而下譽負公走賊力追不能及遇犬兵乃克公振
袞豐偉而能負之行壯士哉譽不知何許人功罪
皆不及又非凡矣洎今多棄論者津津想慕之

豈今數十年遠不相及如此抑當時求才之路廣也故曰物常聚於所好又曰賤生於無所用可得思夫

王凝字道南湖廣宜城人時內地兵戈方息而編警復關心知其遠且防邊符喜事遂一切以鎮靜待之後以其數年經畫所移書檄類爲三冊曰兩軍貼稿終其世時和年豐召書院諸生于署樓之下課藝觀爲評臨民章清靜軍一之樂至今懷之

蕭彥字思學直隸涇縣人換校二載諸所條奏皆西
南長計會規善容卒鼓樂授奇裝伏竟歲兇渠釋費
從歷官戶部侍郎

吳定字子得河南安陽人錄大理少卿以萬曆辛卯
填撫入滇時三宣尚以蠻莫爲辭紛馳告急從經前
鄧子龍等對簿間使帥兵而西子龍至而蠻莫歸遂
息平然兵之命至今謂公之前言緬患公之後修緬
功皆爲蠻莫也公無事於蠻莫而公之世滇人贊錄
至今不言蠻莫事而緬事愴然公之識遠矣至于不
改編唐道阻不通太備克之

止爲晉林加恩資皆可紀也

周嘉謨字明卿湖廣景陵人清正有執持多前之役
不得已而用兵克以七日此外切切以鎮靜處之至
於自奉之薄愛民之用計慮之遠三者志備矣

巡按御史

鄭進善直隸婺源人永樂中巡按雲南風裁峻整奸貪膽落婦人童孺知其威名

段信字宗貫陝西三原人廉公有威一時柄希遺者

譙明四川眉州人剛明廉介雷寬抑之婦撫木邦之

苦窮簷椽底避徽不驚

見四川柳賢志

朱燧字景文直隸高郵人成化間按滇興學較尊水利行却至金齒修築諸葛亮舊堰軍民利之

溫琮字廷瑞四川華陽人成化間錢能貪橫琮執法不阿能斂手避之以風裁著聞

樊登字廷璧浙江常山人清介質直純貪獎廉平裁

振舉時文入越界掠殺吏民方議用兵移論禍福交
人畏而納款弘治十七年雲南晝晦五日復以南刑
部侍郎奉

勅考察雲貴諸吏凡罷遣千餘人

詔回部晉尚書卒

贈太子少保謚清簡

劉洪字希範湖廣安陸人剛明質直貞紀度有風裁
周顛字應文陝西長安人佐法不宥貸以時貪墨喪
望風解組人稱真御史

何琛字廷獻四川成都衛人卓有執持權豪屏息時
征叛逆將官擅殺昌琛劾奏得

首治如律人感快之

張瓌字仲美湖廣江夏人剛正不阿巡方不問夷險
一一涉歷時鎮守太監梁裕濫取民間物貨民不堪
命瓌盡釐革之太監與鶴慶會醕同知敖英構謀誣
奏逆瑾受裕賂逮捕下詔獄卒

贈太僕少卿

唐龍字虞佐浙江蘭谿人正德間按滇先是中璫錢
能爲鎮守時有屬養錢寧者滇人也始州性機警敏
爲能信用雲南指揮盧和充能門下善相可見寧謂
異日當大貴私結無不至寧拜和爲父後和以寧寵
故昌陞金齒參將挾讐勒四千人死鍛屍以滅迹又

張奪生員妻事發坐斬軍馬和奏辨下鎮巡覆鞠正
德十一年歲因使者至寧陰陽出和獄且走使鞠金
齎書于龍龍堂裂而還述曰和詐爲耳一日使者語
龍曰和獄以無屍書來滅龍拆之凶四人無屍蓋和
毀之耳此而末滅則天下酷吏紛然毀人之屍吾實
不能縱今日富貴立至其如三尺何使者語塞龍即
命械和送獄一時咸稱唐直指中流砥柱也上官鳳
朝明被奏革職陰遣使劉堂董澤載金寶賂寧居間
賜鎮撫求爲題襲龍至巡撫首以此會龍不可駁還
其封畧有爲朝明居間者白鳳氏持萬金伺求載矣
龍正色曰卽萬金二芥耳斯言何爲至於我其人慙

苗去朝明復哀求寧寧令宣溥詳昌漢人保舉得內
然雙知所實寧詐爲之部檄下臬司時沈仁輔爲按
察使鞠問按治如律龍備言鳳氏及朝明罪惡與不
當襲狀執奏者

朝不却時驗卽蘇天秀如龍原議覆奏得

甚朝明仍跡土舍刑威以正至今稱焉

謝朝宣字汝高陝西西安衛人慷慨明敏連大理蒼
山嘗院爲諸生居業之所

陳察字原習直隸常熟人每行却青驢布袍周行笈
棘微刺民間得失彰善瘴惡岳守而下大懼服墨吏
解按中貴請權饋銀以佐度支費察持不可曰此兵

端也彼睹其利余睹其害竟罷議金齒帥挾中貴人
魁而監察劫治如律時

武宗亡嗣察自漢上疏諫簡淨切至見藝文

郭楠字世重福建晉江人性剛鯁累疏懲奸剔蠹侃
侃有聲比按部有登車攬轡之風尋以言事被逮削
籍未幾復職

毛鳳韶字瑞成湖廣麻城人閩鎮為害滇人苦之公
至抗疏斥罷軍民如出湯火鼓舞之矣後復以僉憲
分巡奎滄尤多惠政

包節字元達直隸華亭人以清軍按滇風塵凜凜尺
籍無諱所迄尤惠政後以忤中貴謫戍

趙炳然字子晦四川劍州人取吏嚴肅而不察施於
衆庶煦煦然之如冬日也

陳學菱字汝諧廣西宜山人時滇民苦澇百計極濟
泚至憇貪婪不少竟假巡歷未周以遷去

王諱字子萃浙江永嘉人旌廉憇墨鋤豪恤弱揚善
主威德于萬里外烏諸方寇歷陞大理丞巡撫貴川
右僉都御史

董裕字惟益江西樂安人性簡靜於所酬應推之都
門皆然通議例韓嚴恭肅烏司寇力爭之乃寢

李廷彥字士甫陝西寧夏人萬曆乙酉按滇聞然無
畛域取吏安民所在貼服

李炳寧文之河南盧氏人樂談名理而剛紀事裁又不樂示空寂官至南京戶部侍郎

馮應鳳字邦瑞浙江海鹽人萬曆辛卯巡滇甫下車歲告饑民間不能給朝夕又有緇警謂將犯三堂下令寬不急之徵最無名之賊督有司賑濟饑民遣地戒嚴勿弛備禦而虛報徵功縣是內地無轉徙之氓而邊患漸消並受其福

周懋相字弼甫江西安福人楊禮等煽亂於尋甸用奏紹慶破之曲尋一路無虞皆其力也其他實心實政石勝書滇人無遠無不通至今感慕

布政司

用教順天武清人永樂間以承差守城有功陞雲南
左布政使

王善字師舜福遠侯官人宣德中任參議能持款大
不屑苛細麓川叛善進兵金齒值歲歉衆議和糧善
曰兩者皆病民乃蠲僧寺雜役令出粟數萬饑民賴
之永寧鹽井土酋爭地警殺善爲之剖析兩俱帖服
去尚書王驥欲薦之善力辭求致政歸

何楚英湖廣攸縣人烏右布政使政績著聞

賜璽書褒異

陳文江西廬陵人景泰間任右布政使寬裕有容察

宋仰其岳立士庶圖於洲涵

陳宜江西泰和人天順間任左布政使才識過人聲譽籍甚後陞右副都御史兵部侍郎

韓文字貫通山西洪洞人弘治間任左布政使剛果明達

席書字文同四川遂寧人弘治五年雲南晝暉五日

勅大臣考察雲貴諸吏書以劄即上疏言致災之繇

係

朝廷不係雲貴在大臣不在庶官上時事十言正德十二年任右布政使霑益土舍構亂贊剿有功

徐樾字子直江西貴縣人任左布政使嘉靖辛亥元

江之役死於王事

贈光祿卿

鮑道明字行之直隸歙縣人嘉靖間任左布政使平
易近民人不忍欺官至戶部尚書

劉鶴年四川巴縣人嘉靖初仕叅政介節樹標有錢
清之風

陳善字思敬浙江錢塘人嘉靖間以憲副督學教規
嚴密士類教興隆慶初復起叅藩歷左右轄鑿水洞
以通灌溉平徭役以甦困憊祛夙弊以清倉儲多所
建立未滿拂衣歸田士民至今猶思之所著有黔南

類編

陳時範字敷疇福建長樂人隆慶間任左布政使吏治精絕贖無巨細經裁製者二臺無不首肯百姓無不心服吏入昨古而已

方良曙字子賓歙縣人萬曆初任左布政使志華樞其仁明慈恕應務如流及考主司寇世貞汪司道道混蕭太史良有所為傳志碑文言滇新燒寇困於軍食調給無乏滇滇池所溉皆土田積金帛以佐晉寧安寧二城初至庫不能三萬金中三之李十之暨六年歲遂以實實增諸儲

明興以理學鳴蹊履篤實薛河東之後呂涇野一人公崛起江表私淑而遠宗之謂之破庸君子非耶此

又足以識其大矣

王績之字大卿四川南充人萬曆三年任參政分守臨元長材豁度念嗣人採山之苦舉逸年適課悉除民用蘇息

張楚城湖廣江陵人萬曆間任左布政使坦易絕無城府出納衡平盤錯刃解

郭梨字爲南廣東番禺人萬曆中任右布政使誠心直道有成弘先進風會滇饑而寇蠢動諸餽運未嘗之絕而清虛昇之餉殿省費不貲所著有炎徵瑣言其他在他省者甚富

鍾昌字繼文廣東東莞人萬曆二十八年以按察使

分述臨元陞右布政使恬靜無營耿介有執尋以乞
骸加卿奈銜歸卒于黔

李先著錦衣衛籍山東人萬曆十五年以參政分
守臨元道一塵不染百折不撓以猛進瑞事被逮死
于獄滇人烏之流涕

莫如善廣東思平人萬曆初仕參政樂易可親其其
潔操真所謂一介不苟者

駱問禮浙江諸暨人絲給諫請雲南府知事陞右參
議手標無改耿介獨特雖遷客隱傲萬家烏監司聲
稱百路

李渭字凝之貴州思南人年十四父授以母不敬及

思無邪二語即書之壁而服膺焉後游苒道林之門
道林問所得謂以取子言行處著力焉對道林曰此
亦硯硯小人耳淵悚然益肆力以毋意榮榮以譽焉
聖人為主後蘇粵東副憲來佐左叅政以此言與漢
人士共証是時盱汜羅汝芳同官同志羅秉按性命
而謂一意得浩然如五味之和公量之譜莫逆於心
也其善政亦翩然競美云

馬卿字敬臣林縣人在叅政分藩一路郡縣奉約束
惟謹民吏恬然貼然

陳奎字汝勵應城人左布政使裕有經綸雅勝負荷
終以名宋伯立赤志云

陳紹儒南海人左布政使博學如渾金璞玉而精潤
無羸雜無瑕疵

張璧江西萬載人左參議郡人查偉謂鶴民困極而
一意撫安垂危之民賴以蘇息

薛妻常字汝齋福建福清人蘇陳臬晉藩二深得漢
人之心比晉左轄值鳳克之變武定太守鐘顯符公
謁隨以事變符入藩司至是賊索符幕府至索符而
日再三至不得已出之庫中有三日不能守自焚案
抱一腔血之語後論失印率罪持之不堅亦是機時
已予節

按察司

周勳廣東南海人。繇監生先任御史。慷慨致書人目。之曰。冷面寒鐵。永樂中。歷雲南按察使。執法公廉。不畏強禦。有疑獄難決者。剖折極平。尋改浙江異政。日著當時。周憲使名聞天下。以捕治錦衣。紀綱之黨。十戶某爲綱所誣。奏達至。陛前抗聲陳綱罪不少屈。

上怒戮之

周樂江西吉水人。永樂中任按察副使。以清操著。民譽卒于官。篋中經史數帙耳。凡獲歛皆察寀。爲之雲南府儒學教授。張通挽詩有藻鑑懸秋。無點翳梅花。

破雪有餘警之句

周彥奇江西吉水人永樂間任僉事麓川緬甸讐殺
匹馬深入宣暢

國威曉諭禍福各夷俛首而去

賴巽江西人正統間為按察使在任廉公有威執法
不撓官吏敬憚卒于官

李璽湖廣未陽人景泰二年任按察使清強自遷法
命明肅後以疾辭歸

陳騏廣東南海人僉事陞副使以忤權要去任

向純字惟一江西新淦人臨安兵備副使適寇盜充斥
純至始立哨堡嚴捕逮盜用敏迹尤加意學徒每

暇日親爲講解經義點竄文字後卒於官時年八十
永思焉

楊繼宗字承芳山西陽城人性耿直言動磊落爲部
曹有能聲以王忠肅翔薦知嘉興府九年陞浙江按
察使順天巡撫所至聲稱卓然成化中上疏忤

旨左遷雲南按察副使在任三載吏畏而民歸之後
歸湖廣按察使陞巡撫雲南卒于官

董軒字士昂江西鄱陽人成化中錄都諫出爲提學
僉事長於詩所撰有清風亭稿後官至禮部尚書

曹時中直隸華亭人成化間任僉事操履高潔耻媚
權貴尋以疾辭歸

張寬字伯仁襄陽人蘇翰林檢討陞僉事興學教化
溥海士民且感且悅

何俊字廷秀湖廣郴州人成化間任提學僉事其爲
教隨俗導化而濟之以嚴所陶鑄非一士後乞倭歸
劉鈺字伏和江西安福人按察使明慎用刑變變畏
而懷之時有中官違郭景者取捷徑徃安南假

朝命求賂安南君臣知其詐從之還遣兵尾其後將
近遣郭給其首誠先入白守闕者因脫歸時巡撫王
恕命針捕之郭懼赴井死逮治其黨道人論彼國明
示禍福彼國唯唯而內地卒無他

趙鑿字廷振江陵人弘治間任安善僉事訟牒累年

剖決如沉土官不法及掣肘難治者覈實立寘于法
劉平嘗塞境土火安

李孟暉字時泰河南睢州人弘治間任臨安兵備副
使修學宮置樂器陞陝西按察使

郭緒字繼業河南太康人時思壘據金沙倡叛單騎
往撫至猛賴去金妙鍾二合夷咸驚曰漢官亦能至
此發兵象教萬環之緒拔劍示將較期以翼日渡江
壘聞遠使請命緒宣

勅諭大要先叙其勞次伸其寃後責其叛壘伏泣稽
首稱萬歲請歸侵地以歸力却其餽遺事聞

詔予奏捷者官一級餘功俟覈錄越考六年緒始陞

四川叅政

王槐字應貞山西陽曲人金騰兵備以嚴率下強橫者斂手歷八年如一日

王一言字行之四川內江人臨安兵備在任經理凡城池軍旅糧餉之事井井有條且析軍民利病而興除之

彭綱字性仁江西清江人督學副使器量弘遠士類視爲儀刑

姚祥字應龍廣東歸善人金滄副使剛直明練所至覆覈均徭里甲私記及榜簿吏以昌賄得罪者百餘人民其戴之

姚學禮字以立四川巴縣人始以御使抗疏劾劉瑾
被杖者三削籍歸瑾又以偽旨行蜀地方官重杖之
幾死後逆瑾伏誅蒙

召用烏雲南按察僉事然四杖百數十後創鉅痛深
不勝仕路之勞履任未幾遂乞骸骨歸

林復享待用福建莆田人以按察副使駐鶴慶有玄
化寺以法佛惑衆人民歲時爭以金泥其面使命焚
之父老言不可犯恐致電損椽俛與約積薪伺之果
電即止已而無驗遂焚之得金數百鎰悉輸之官代
民償適毀邊方淫祠三百六十餘區所在舉宮頽壞
撤其材新之并創築趙州城一時貪墨望風解綬衛

官虐軍者寘之法自是百姓休息父老猶迄今能談之

徐瓚字朝儀浙江未康人安銓之愛民不知兵弛備久矣報至咸以爲憂瓚言示巡撫歐陽重謂賊敢稱亂以我軍非敵耳不如以夷攻夷便重從之調元江蒙化鎮沅等夷兵以漢軍佐之諸司分統進剿瓚居中理餉閱習召募事皆立具立招降大旗陰誘脇從又製小旗千餘大書同心膂刃各保身家八字示上諭令聽撫於是歸降者衆賊勢日衰時沅寨民守城者請幕府發倉米爲粥食之已而鳳朝文叛與安銓合衆焚剽進圍省城瓚于城上呼寇論以

朝廷思威寇皆伏地請降虜衆而退瓚即夕走使製
回各哨官軍厥明合擊賊敗潰俘獲賊屬萬餘簡審
無辜悉為開釋民深德焉家為立祠巡撫疏薦其功
擢本省右布政使進左布政使

王倬字用檢直隸太倉人鎮閩橫張夷草竊發區濟
之力居多且有操執羣議不能搖

聶賢字承之四川長壽人金滄副使一意祛奸釐弊
為務先是大理衛指揮素貪虐以諂媚於貴官歷年
不露賢至徐徐勸誘使盡出其私賄還故主然後繫
之獄談者至今快焉

平世用李德充四川內江人濶滄兵備築城有捍禦

功卒于官漢表悲之

劉節字介夫江西大庾人金騰兵備廉公有威臨事果斷與軍民思義相洽時兩鎮閩貪求甚劇節以法繩之力爲裁抑權宦側目亦不敢犯革鎮丞議自此始未幾遷廣西按察使累官南京吏部左侍郎

梁材字大用南京金吾右衛人按察使持法不撓僚宋服之屬吏畏之百姓安之

范時儼字師舜四川儀衛司人質直不欺以古道自任

林仕鳳字鳴盛福建莆田人仕僉事金滄路恬然無擾

姜龍字夢賓直隸姑蘇人嘉靖初任湖滄兵備邊卒
哨守盜賊屏息揚太史有精於誥去思碑記

孫麟芳字世其江西進賢人嘉靖初提學劉使養奇
識甄別無爽會有捷其職常者竟授勅封

唐嵩字平候廣東瓊山人嘉靖間陞金騰兵備改提
督學較教士以冠格御射之禮斌斌陔觀累官兵部
侍郎

王惟賢字士靈四川中江人嘉靖間任分巡金滄僉
事嘗從歐陽南野講學絕去枝葉獨探本根以故經
畫鑿鑿皆實政如清郵傳酌操軍懸里甲蒼洱有遺
思焉

楊最字殿之四川射洪人嘉靖間任副使渾樸清貞
吏胥凜凜塵土太僕御抗劾死於廷杖萬曆初

贈官誼忠節

李默字時言福建甌寧人嘉靖間任提學副使肅如
萬州印月品隲士類先行後文士翕然應之

吳鵬字萬里浙江秀水人嘉靖間提學副使品行
檢文藝並論而待升黜與李徐後先相掣矣

李樂字仲和湖廣盧溪人嘉靖間金騰兵備副使剛
正不撓論所屬貪婪將吏四人除所發巨盜軍民極
快咸安其居清約更見於去之日

蔡崇程字亭之浙江臨海人嘉靖間任學憲舉廉

廉然英超為志則有作人功

張輻字文衡浙江山陰人副使兵備金騰廉明樂為
值所思諸事數警殺不已或請任之輻曰撫之不從
用兵未晚乃遣官往諭果從命未幾懇致仕去

王春復福建晉江人金騰兵備副使慈恕廉介不修
違幅時與諸生講學尤恤邊軍創設義倉饑民賴以
濟

鄒光祚字承卿江西饒州人金騰兵備副使仁恕先
明治河堤置義田改黠學明倫堂門路遷去士庶譽
石志思

許天奇字應正福建晉江人金騰兵備副使性方毅

初任見平定六縣三土府諸司悉附緬甸約束常為
數措遂一意招徠諸夷宣諭

天子思威嘉與更始諸夷精通未幾卒漢夷哀之
張澤字義甫直隸桐城人隸選貢任廣安州知州嘉
靖乙丑

大計以治行卓異擢僉臬武定之變督兵死難

贈光祿少卿

張佳胤字尚甫四川銅梁人以僉憲督學文武才也
每達務有持兩可者一語而決最後效如射覆凡滇
池蒼洱之勝收以古文詞大兵討鳳賊獨居守夜有
守城兵三人醉而吐一人大笑一人舉城諸守城者

不知羣聲應之城內外官民股栗登陴檢視運米石
諸守城之與黎民不情又定變之緒餘也

郭良字復吾福建惠安人萬曆三年任僉事分巡安
善渾朴精詳咨詢民間利害而興除之署學政科試
品薦如鏡之象物人心帖然尤以身律為諸生率先
去滇之日行李蕭然

羅汝芳字惟德江西南城人也田副使晉右叅政其
學出于姚江瀟然天地萬物一身無不可教之人政
暇集士夫于書院更端問難響答如洪鐘人人虛往
而實歸署金騰通犯迤西部署已定幾大剽緬生致
岳鳳以阻抑不得行惟開永昌以河水利灌旱田四

十餘年更見有用之學

許宗鑑字應衡福建晉江人萬曆間任副使駐臨安
當兵燹之後一意與民休息築河堤置學田辦冤獄
禁刁訟歲旱徒步禱雨其靈應之去後士民錫石誌
思云

李材字孟誠江西豐城人以按察使管金騰兵備事
治才敏達每與鄉紳弟子講學宗旨以修身爲本刊
四字流布全滇尤喜談兵常謂兵以機爲先得之者
成功失之者罟罪陸鄖陽僉都御史

陸萬竣字天溥浙江平湖人萬曆間任屯田副使寬
大有識量濟以澹簡之教尋陞本省參政分巡按察

使拊楸平反各路仰戴陸福建按察使

張天復字復亨浙江山陰人陸慶問任副使事不辭
勞亦不避怨至今子姓以行義文學世其家

徐斌字世寅直隸常熟人陸慶初任按察使創行條
報正婚喪之節婚勿論財喪勿用酒以檟榭應吊客
勸民禁殺種種皆切于要領其法至今守之久而見
思者公也

程大賓字汝見直隸欽縣人陸慶中任提舉副使持
養精澗號金玉君子每都試舉過名勝之地間一遊
往與守令賢者席地而坐極論古今自歌詩一二章
每有坐久艱于起者起而艱于立與行者莞然而笑

楊守魯字允德原籍長沙世居順天舉麟經天下第一
主司評其策謂北方大器天下奇才嘉靖庚戌以
保定巡撫首師勤

王之師者魯之兄守謙也講執論兵切思在兄弟朋
友間素矣魯以嘉靖間至始兵備臨元帥師討鳳繼
祖或善帷或守城或結營駐師其功居多後以提學
調兩試所賞鑒皆博雅精練之士其色澤妍媚者不
與焉

顧言字子行浙江錢塘人按察使渾金璞玉絕不見
雕飾而民飲其輪陳臬之臺春溫秋肅時出而竝用
子汝學滿曆巾任參政治行惟肖卒于官

李文績字德延四川宜賓人。錄參政歷按察使。前尾
近十年性耿介。負任自無略。無文飾。察案謙見一言
近於戲。正色嚴辭。有令人不能堪者。若其操持凜然
嚴冰也。家徒四壁。蕭然門窓。梁柱堵牆皆木色。無鋪
庭中設客座之外。他無異物。

陳洙字伯訓。福建長樂人。萬曆初提學副使。學以直
廉為宗。傾不事言。鐘在輿。無顧指。接屬吏師生。產瘡
雅扶。市民朝夕望。見者有瘳。予之柄。至於言論風旨
又井井焉。纒纒焉。聽者欽耳而悚心也。周士之急時
出。顯處一試。拔其尤。次第舉高科者。無乏絕也。晉參
大藩。所至圖書而已。

劉伯燮字元甫湖廣孝感人繼陳公之後易以威嚴
士跡受朴者尤無一二省會稽考課業忽然小隊即
至會所持會文而法不在者自赴聽責士頗此成就
者居多至併行聽有防決可重者深以青眼視之林
植之若家人父子然

正太謨字惟允湖廣廣濟人萬曆中任提學僉事教
在寬嚴之間取人不求奇僻而士之奇者咸在較中
其標紙烏文亦無意奇僻而奇僻者逃舍蓋也殿天
生自懲迫絕在漢平年陞廣西少參以母老終養
鄧原安字汝高福建閩縣人萬曆中任提學僉事有
林犀刺而首錄成之聞異書無不求而錄古名人真

蹟無非臨池之供具也至都試所取高等又隨根器
拔識一入具眼便命空羣所携有李善注文選躬自
較訂而精刻之與漢士共

方萬山歛縣人按察使奉公肅憲有陽休山立之致
有選風解雨之恩

張堯臣字希夔內江人分守安普右叅政進權察使
調停稅璫不茹不吐已因大比屆期董學之人週試
全省而評騰優劣得所入數者皆其高等

王應期字國禎襄陽人兵巡安普副使守羅婺除沙
前而虛談不至燎原及為監司馭使嚴明修持憲法
黃廷寶臨川人按察僉事始為安普兵巡調司舉政

武備文事隨試而輒效至於襟韻冲粹高超具見之
江和鄱陽人提學副使學問不露言銓闈之規矩準
繩內取士不拘方所收之器識文藝間雖去滇之日
未久而縉紳士合詞追訟無間然矣

樊準字曰式南昌人嘉靖間任金滄兵備僉事兼憲
執法夷難俱安

朱奎字季文南昌人隆慶間任潤滄兵備副使修建
書院講堂以爲會文之所而積儲備賑所在郡邑無
以虛數應者